


# I MBUTO YA LUKAZYO

 Nda salila cibalo cifwaafwi masiku sunu, nanka kubala kufwaafwi, i Mwami nawayanda, ku tupa ciiyo kwa ncico, kuzwa ku Musalali Matayo 13:24 kusika ku 30. Alimwi mpawo akwalo Ndi—Ndi yanda kubala kuzwa ku 36 kusika ku 40, mu ziindi buyo zisyoonto. Lino Musalali Matayo, i capita 13, alimwi a kutalikila kampango ka 24 ka capita 13 ya Musalali Matayo. Amu swiilile kabotu ku kubala kwa Ijwi. Majwi angu ayo loba, pele Aakwe ta kaciti.

*Acimbi cikozyano wa kaba bikkila, akwaamba, I bwami bwa ku julu buli kozyene ku muntu iwa kamiza mbuto imbotu mu muunda wakwe:*

*Pele kuciindi na koono, kwa kasika sinkondo nyina elyo wa kamiza insaku aakati ka maila, elyo wa kainka.*

*Pele cindi matumvu nakasonsa, a kuziyala micelo, mpawo insaku zyaka boneka a zyalo.*

*Nkabela bazike bamwini muunda bakeza elyo baka mwaambila kuti, Munene, sa yebo tee wa kamiza mbuto imbotu mu muunda wako? ino zya zwa kuli insaku nzo ujisi?*

*Elyo wa kabaambila kuti, I sinkondo wa cita eci. Elyo bazike baka mwaambila, Sa ula yanda kuti tu ye . . . tu ka zimwe?*

*Pele wa kaamba, Nee; a mbweni mwaa kumwa insaku, mu la zyula aalo maila.*

*Amu zileke zikule zyoonse antoomwe mane lumwi ku butebuzi: elyo ku ciindi ca butebuzi Nzo tu ma batebuzi, Amu lundike insaku kusaangana, a kuzianga misunta kuti zyuumpwe: pele maila a mwa lundikile mu butala.*

<sup>2</sup> Sena mwa bona, “Amu lundike insaku kusaangana, a kuzianga misunta”? Lino, kubala eci, kwakali cintu cimwi ceenzu caka boola kuli ndime kuciindi ni Nda kakkede atala lyampela lya Malundu aa Catalina masiku amwi, mu mupailo. Alimwi mpawo Nda kayeeya, nkokuli nko ndi nga Nda bweza ibbala elyo nde ndinga Nda belesya kuli eci nce Nda kali kuyanda ku kanana masiku ano?

<sup>3</sup> Elyo Nda kaselukila ansi a kujana ibbala lya *lukazyo*, aboobo Nda kabweza bbuku lya bupanduluzi bwa mabala a kulanga eco ibbala *lukazyo* nco lyaamba. Nkabela lyaamba kuti “kubusya nkazyanyo,” nanka—nanka, “kuba ciimpene,” mbuli Webster mbwaamba, “kubusya nkazyanyo, cintu cimwi ciindene,” nanka, “kuba ciimpene kuli eco ciliko kale.”

Aboobo Nda kayeeya, cibalo masiku ano, inga Nda ciita kuti: *I Mbuto Ya Lukazyo*. Elyo syoma kuti Mwami uyo longezya Ijwi Lyakwe lino mbuli mbotu Li kanana.

<sup>4</sup> Elyo tu lizi akwalo Wa kapandulula, mu kampango 36 a—a kusika ku 43, nzila eyo mbuto eyi mbu yakasima. Elyo kuciindi notuli aali njiyo, atu bale buyo eco acalo, kampango 36 lino kusika ku 43.

Elyo cindi *Jesu naka mana kumwaisya nkamu ya bantu mpati, Wa ka njila mu ng'anda: elyo basikwiinya bakwe baka boola kuli nguwe, kabaamba, Tupa ndulwide cikozyano ca insaku zya mu muunda.*

Elyo *Wa kavwiila a ku baambila, kuti Oyo waka miza mbuto imbotu ngu Mwana wa muntu;*

Elyo *muunda ni nyika; mbuto imbotu mbi bana ba bwami; pele insaku mbi bana ba mubi;*

*I sinkondo iwa ka zimiza ngu dyabolosi; butebuzi ngu mamanino aa nyika; alimwi batebuzi mbi baangelo.*

*Mbuli boobo insaku mbu zibungwa a kuumpwa mu mulilo; aboobo mbubonya obo mbo kuyooba ku mamanino aa nyika eyi.*

*I Mwana wa muntu uyo tu ma baangelo bakwe, nkabela bazo lundika zintu zyoonse kuzwa mu bwami bwakwe ezyo zilebya, alimwi abalo bacita milandu;*

*Elyo bazo basowela mu mulilo, i bbila lya mulilo: elyo oko kuzooba koomoka nanka kuba kulila a kuluma ntwino.*

*Nkabela baluleme bazoobalama mbuli izuba mu bwami bwa Wisi wabo. Oyo uujisi kumvwisya. . .amu muleke amvwe.*

<sup>5</sup> Oyo ngu Jesu kapa bupanduluzi bwa cikozyano, Lwakwe, aboobo tu lizyi mpawo eco bupanduluzi neu bwaamba. Elyo lino mbuli mbo tu kanana eci, kwa kumiza kwa mbutu a—a butebuzi, lino Ula cipandulula. Elyo mpawo Nda syoma kuti Jesu wakali kwaambaula cikozyano eci mu buzuba Bwakwe, pele wa ali ku cilungulula kuba ku mamanino aa nyika, nanka, mamanino aa bukkalo, obo buli ngo buzuba *buno*. Alimwi Nda syoma cibalo eci cisyoono masiku aano cileelela maningi ku oora elyo ndo tupona mo, kaambo Jesu wa kaamba cakwiindanya antangalala awa kuti “kubungika kuyooba ku mamanino aa nyika eyi,” elyo ndendilyo cindi mamanino na yooba; kubungikwa kwa maila, a kwalo kubungikwa kwa insaku a ku zyuumpa, a kunjizya mukati maila mu Bwami. Elyo Nda syoma cakali nzila eyo.

<sup>6</sup> Elyo Lugwalo lumbi lundi sololela ku syoma nzila eyi, ndo Nda lemba aa kapepa awa, ngu Matayo 24:24, awo mpo lwa kaamba obo, kwaambaula kujatikizya i—i cuuno, i mbuto ya

lukazyo. Jesu wa kaamba kuti zyobilo ziyo tandila kukozyanya maningi mane inga ciyo cenga mbabonya Basale ikuti ni cali kukonzeka. Kutandila kuba mbubonya ncobeni.

<sup>7</sup> Busena bumbi mu Lugwalo awo mpo cilembedwe, kuteeti invula ilawa aa baluleme alimwi a bataluleme.

<sup>8</sup> Ndi layeeya luzibo lwangu lutaanzi lwa kusola kuboola aakati ka bantu ba Pentekoste. Nda kali ku Mishawaka, Indiana. Alimwi Nda kali ku muswaangano mupati, buyake bupati butandila mbuli obu, oko baku Nyiika a ku Musanza nku baka swaangene antoomwe. Nkaambo ka mazuba ayo, akali a lusalululo lwamibala, ba kaswaangana kutala kuya. Kwakali nkamu zyabuleya zybilo zipati zya babunyina ba Pentakoste. Tee nda kali naba mvwa na kuba swaanganya. I ciindi citaanzi nce Nda kasola kumvwa kukanana mu myaambo. Elyo ku mamanino aa bubambe bwa bukkale, bwa muswaangano mupati. . . Mebo kanditali cizo aakati kabo, Nda kali buyo mukutausi muna Baptisti muniini, Nda kali kkede nkoonya kunze musule loko. Elyo Nda yeeya ciindi citaanzi ni Nda kamvwa muntu uli oonse ku kanana mu myaambo, tee Nda kazyi akwalo eco—eco nce cakali kwaamba. Elyo mpawo baalumi bobilo abo, kanji, bakali kukkala kumbele, umwi wakali kunga wa kanana mu myaambo a umbi wakali kunga wa pandulula eco muntu ncaamba. Ee, Nda katalika kulingula mu Bbaibbele lyangu ca nguzu mbuli mbu Nda kali kukonzya, mpawo awo, elyo kajana kuteeti eco cakali ca Magwalo. Eco mbo mbubonya obo Lugwalo, i Muuya Uusalala mbounga wa cita.

<sup>9</sup> Ee, kwatibe buzuba boonse kumane eco. . . Masiku ayo moyo wangu wakagulungana loko. Nda koonna mu muunda wa maila. Tee nda kajisi mali aakkwana kuti ndili janinine a—a—a kulala kwa kubbadela, aboobo Nda ka jisi buyo mali aakkwana kusika ku ng’anda, elyo Nda kalyuulila tumbuwa twakkilimu, mazuba masyoonto aakubako, nanka tunkwa, twa kali, elyo twakali cakulya cangu cacifumo. Elyo Nda li tambidwe kuti nkalye ambabo, pele tee Nda ka jisi mali aa kusanga. Mu mazuba ayo, cakali mu ciindi cabuyumuyumu bupati bwa makwebo, 1933, aboobo ca kali—ca kali ciindi cakupengana loko. Elyo aboobo Nda kayeeya, “Ee, Ndiyo. . . Ta ndi yandi kulya a mbabo, pele Ndi yanda kuziba ncoba jisi. Ba jisi cintu cimwi nce Ndi ta jisi.”

<sup>10</sup> Aboobo cifumo eci Nda kali. . . ba kandi lomba, “Boonse bakutausi amuboole ku cibumbili a kuli pandulula lwanu, kuti nduwe ni, ku busena nkozwa.”

<sup>11</sup> Ee, Nda—Nda kaamba buyo, “William Branham, muvangeli, Jeffersonville,” kakkala acuuno. Ee, ku ciindi eco Nda kali mukutausi muniini kwiinda boonse aa cibumbili. Elyo buzuba bwaka cilila baka ndiita ku cibumbili kuti ndi kanane. Elyo mpawo ni Nda kamana kukanana, baa, twa

kali a ciindi cibotu, elyo Nda katalika kuswaangana bantu baandeene kaba nditamba ku mbungano zyabo. Mpawo nibaka mana. . .

<sup>12</sup> Kumane eco, baa, Nda kayeeya, “Ikuti na Nda konzya buyo kusika awo aa baalumi abo balemekwa bobilo abaka kanana mu myaambo a kupandulula!” Eco cakali kupya mu moyo wangu, Nda kali ku ciyanda loko. Ee, mbuli mbu Nda mwaambila ku matalikilo, cipego ciniini eco nco mubelesya. Nywebo mulizyi, zipego a kwitwa tazi lekeki, yebo ulizi jisi mu buumi bwako boonse, mwabona, wa kazyalwa a nzizyo, ikuti na ngo zipego zya Leza. Aboobo lyoonse Nda, kuzwa ku mwana muniini loko, ca kacitika lyoonse kuli ndime, bantu bandizyi buumi bwangu boonse, ba lizyi kuti eco ngu kasimpe. Ee, ikuti na Nda yeeye. . . Tee Nda kacizyi kuti cakali cinzi kaindi, ku ciita kuti cilengaano, tee Nda kazyi buyo kuti cakali cinzi. Pele Nda kayeeya, “Ikuti Nda sola buyo kwaambaula kuli mbabo!” Ee, alimwi muuya oyo wakali mu buyake wakali mvwisya mbuli kuti wakali Muuya wa Leza wancobeni.

<sup>13</sup> Aboobo Nda—Nda kakonzya kwaambaula kuli umwi wabo, elyo Nda kamu buzya mibuzyo misyoonto, elyo wakali Munakristo wabwini ncobeni. Kwa kanyina kuzumbauzya kuli eco, oyo mwaalumi wakali musyomi ncobeni. Elyo mwaalumi uucilila, cindi ni Nda kaambaula kuli nguwe, ikuti na Nda kasola kuswaana sikuupaupa, oyo wakali umwi wabo. Oyo mwaalumi cabwini wakali. . . Mukaintu wakwe wakali mwanakazi wamasusu-aatubulukwa ku mutwe, elyo wakali abana kwiinda kuli. . . bana bobile kwiinda ku mwanakazi wamasusu-aasiya ku mutwe. Elyo Nda kayeeya, “Ee, lino ninzi? Nceeci we, Nda—Nda nyoongana koonse. Ndi muntu usyoma zya bbaibbele kuti nzyabwini; ceelede kuba Ijwi, kwataba obo taci luleme. Elyo ngooyu Muuya oyo, umwi wamvwigwa kabotu, kweendelana kuli koonse nko Ndi zyi, bwini; nkabela umwi umbi wakanyina bubotu nobuceya; nkabela Muuya kuuwa aali mbabo boonse. Lino, mbobuti eco mbo cikonzya kuba?” Inga nda, caka ndikataazya kumvwisya.

<sup>14</sup> Kumane myaka yobilo, Nda kali kukomba mu mpangala oko nku ndakali kunga Nda inka kuyo komba. Kwakaba lusuko loko mu mpangala, elyo isikati limwi Nda kazwida aanze, kalazika Bbaibbele lyangu aa citanda, elyo guwo lyakaunga ku Li vununa ku Bahebrayo, capita 6. Mpo lya kaamba, kuti ku mazuba aa ku mamanino, obo mbocinga ciyoba ikuti na twawa kuzwa ku Bwini a kuli bukulusya alubo ku lweempo, kwa kanyina cituuzyo limbi ca cibi, alimwi obo kuti maamvwa a mitubetube, yalo yakali afwaafwi ku kukakwa, iyeelede kuumpwa ku mamanino; pele imvula ilawida aa nyika, kanji, kuti yiitilaile, a kwi bamba; pele maamvwa a mitubetube inga ziyo kakakwa, pele maila inga ayo bungikwa. Elyo Nda ka yeeya, “Ee, lyakali guwo buyo lyakaunga kuvununa eco.” Ee,

Nda kalilizika ansi buyo Bbaibbele alubo. Elyo Nda kayeeya, “Ee, lino Ndiyo buyo...” Elyo mpaawo lyaka boola guwo lyakaunga ku Li vununa. Eco caka citika ziindi zyotatwe. Elyo Nda kayeeya, “Ee, lino, eco nceenzu.”

<sup>15</sup> Elyo mpawo mbu Nda kanyamukila, elyo Nda kayeeya, “Mwami, nkaambonzi nconga Wa ndi vunwida Bbaibbele eelyo kuti ndibale eco, Nda...cindi ni Nda kainka aansu kuli eco, oko ‘maamvwa a mitubetube, ezyo zili afwaafwi ku kukakwa, ezyo zyeedele kuumpwa ku mamano?’” Nda kayeeya, “Nkaambonzi, nconga Wa vununa eco kuli ndime awo?” Alimwi mu kulangalanga koonse...

<sup>16</sup> Lino, ezi zilengaano zya ncobeni zila boola kakutakwe kunjila mukubeleka kubotu. Oyo ngu Leza buyo. Mwabona? Nda kalanga elyo Nda kabona nyika eyo yakali kulibonya kumbele lyangu, elyo Nda kaibona kuti yakali limidwe koonse. Kwakali mwaalumi waka samide zituba, keenda koonse kaya bumiza maila. Elyo nakamana kweenda koonse kuzunguluka nyika; musule kwa kaboola mwaalumi, iwakali kuboneka bubyaabi, waka samide zisiya, elyo wa kali kusowaila imbuto zya nsaku koonse aatala anjiyo. Zyoonse zya kamena kuzwa mu bulongo antoomwe. Elyo cindi nizya kacita, zyoonse zya kafwa nyota, nkaambo imvula yakali kuyandika. Elyo aimwi yakali kuboneka mbuli kuti yakali kukomba, a mutwe wayo kaugomene kutala, “Mwami, tuma imvula, tuma imvula.” Nkabela makumbi mapati aka boola, elyo imvula yakazi wida zyoonse zyalo. Cindi niya kacita, ijila syoonto lyaka sotoka mujulu a kutalika kwaamba, “Alumbwe i Mwami! Alumbwe i Mwami!” Elyo a nsaku nsyoonto yaka sotoka mujulu ncobeni ku lubazu ndulonya, a kwaamba, “Alumbwe i Mwami! Alumbwe i Mwami!”

<sup>17</sup> Elyo mpawo cilengaano caka pandululwa. Imvula ilawida aa baluleme a bataluleme. I Muuya nguonya ulakonzya kuwa mu muswaangano, elyo bantu boonse bala sekelela muli nguwo: basikuupaupa, Banakristo, a ciindi comwe. Mbo mbubonya. Pele ino ncinzi? Kwiinda ku micelo yabo bala zibwa. Mwabona? Eyo nje nzila buyo mbo cikonzya kusolwa kuzibwa.

<sup>18</sup> Mpawo mwabona eco lino, mbo kunga mailamuceme aa musokwe, nanka maila aa musokwe a nseke zimwi ziindi zila likozyanisya a nseke, ini iilimwa, kutandila kukozyanya loko cakuti inga ya cenga mbabonya Basale. Ndi yeeya kuti tukkala mu bukkalo bwa ciindi ceelede, kucindi zintu ezi ni zyeedele ku kambaukwa ko a kubandikwa.

<sup>19</sup> Mubone mu kampango 41, zyobilo azyalo ziyo kozyanya loko, kutandila kukozyanya loko mu mazuba a mamano mane Ta kacita...Ta kakonzya kulangila aa mbungano nsale kuti ibaandanye, kwaamba, i Methodisti nanka i Baptisti, na ba Pentekoste, ku zyaandaanya. Wa kaamba, “Ula tuma baangelo Bakwe ku zyandaanya.” I angelo ula boola kuleta lwaandano,

lusalululo aakati ka baluleme a balubide. Nkabela taakwe muntu umwi ukonzya kucita eco pele Angelo wa Mwami. Ngo Umwi uyo andaanya oyo uululeme a oyo uulubide. Leza wa kaamba kuti Uyo tuma baangelo Bakwe ku ziindi zya mamano. Kutali baangelo kwiinda mu ciindi *awa*, pele baangelo ku ciindi ca mamano, elyo bayo bunganya antoomwe. Tu lizyi kuti oku nko kuboola kwa ciindi cakutebula lino. Lino, i *angelo* mubwini ula pandululwa kuba “mutumwa.” Elyo tu labona kuti kuli baangelo bali ciloba ba mabungano aali ciloba, alimwi lino. . .peepe, kwiinda mu makkalo aa mabungano.

<sup>20</sup> Mubone abo Mba kaamba basikumiza kuteeti bakali bani, a kwalo kuti mbuto yakali nzi. Umwi, sikumiza wakali Nguwe, i Mwana wa Leza, Oyo wakainka kaya bumiza Mbuto. Alimwi sinkondo wa kaboola musule Lyakwe, oyo iwakali dyabolosi, elyo wakamiza mbuto ya lukazyo, musule lya kumiza Mbuto iiluleme. Lino, beenzuma, eco cacitika kwiinda mu makkalo oonse kuzwa ni twakaba aa nyika. Mbombubo. Lweendo loonse kuzwa ku matalikilo, cakatalika cintu nciconya ncobeni.

<sup>21</sup> Lino Wa kaamba, “I Mbuto ya Leza, i Ijwi lya Leza.” Jesu wa kaamba, mu busena bumwi, kuteeti “I Ijwi ngo Mbuto.” Nkabela mbuto zyoonse ziyo zyala musyobo wazyo. Nkabela ikuti na Munakristo, i bana ba Leza, i bana ba Bwami baba Mbuto ya Leza, nkokuti baleelede kuba Ijwi lya Leza, Ijwi lya Leza lya yubululwa mu bukkalo obo mbo bakkala mo, kuba Mbuto yaka syomezegwa ya bukkalo obo. Leza wakapa Ijwi Lyakwe ku matalikilo, elyo bukkalo abukkalu bwakali jisi Mbuto yabo, ciindi cayo, zisyomezyo zyabo.

<sup>22</sup> Lino, cindi Nowa naka boola aa cilawo, elyo wakali Mbuto ya Leza, Ijwi lya Leza ilya bukkalo obo.

<sup>23</sup> Cindi Musa naka boola, ta kakonzya ku boola a mulumbe wa Nowa, ni wataka beleka, nkaambo wakali Mbuto ya Leza ku ciindi eco.

<sup>24</sup> Mpawo cindi Kristo naka boola, Ta kakonzya ku boola aa bukkalo bwa Nowa nanka ibwa Musa; cakali ciindi Cakwe, kuteeti nakalindu amite elyo a zyale Mwana, elyo Uyo ba Mesiya.

<sup>25</sup> Lino, twa kaponi kwiinda mu bukkalo bwa Luther, bukkalo bwa Wesley (bukkalo bwa Methodisti), oonse mu ciindi ca makkalo, a bukkalo bwa Pentekoste, bukkalo abukkalu buli pedwe cisyomezyo ca Ijwi. Elyo bantu ba bukkalo obo, abo bayubulula Ijwi eelyo lya cisyomezyo, ngo Mbuto ya bukkalo obo, kweendelana kuli eco Jesu nca kaamba mponya awa, “Mbe bana ba Bwami.” Eco cililuleme. I kuyubunuka kwa Muuya Uusalala kwiinda mu bana Bakwe ngo baabo Mbuto ya Bwami ku bukkalo obo.

<sup>26</sup> Mubone, insaku zyakali umwi, i sinkondo, Saatani, oyo wakamiza nkazyanyo, nanka i—nanka i mbuto ya lukazyo, wa kali umwi iwakali a mulandu wa kucita cintu

eci cibyaabi. Saatani wa kamiza mbuto yakwe kuzwa ku matalikilo, cindi Leza naka bikka butebuzi Bwakwe butaanzi bwa bantunsi aatala aa nyika. Adamu, mu bwini, kuciindi eco katalina kuzyiba kuti kwakali i—i luzibo lwa bwini, a lwa ciluleme a cilubide, alimwi ta kali nasika kuli eco kuciindi cakaindi.

<sup>27</sup> Pele tu jana kuti, Leza wakapa bana Bakwe Ijwi Lyakwe kuti libe Bukwabilizi bwabo. Bwabo. . . Ta tujisi Bukwabilizi bumbi kunze lya Ijwi lya Leza. Obu mbo Bukwabilizi bwesu. Taakwe mabbomba, taakwe ziyusilo, taakwe masena aa kuyubila, taakwe ba Arizona nanka ba California, nanka kufumbwa mbo cibede; kuli buyo Bukwabilizi bomwe mbo tu jisi, nkabela eelyo ngu Ijwi. Elyo Ijwi lyakaba mu mubili wabantu a kukkala aakati kesu, uuli ngu Kristo Jesu, Ngu Bukwabilizi bwesu bulikke. Kuba muli Nguwe, tu li kwabilidwe.

<sup>28</sup> Nociba cibi acalo tacibikkwi ku musyomi wa kasimpe. Sena mulizyi eco? Oyo wa kazyalwa kwa Leza, ta citi cibi, ta konzyi kucita cibi. Mwabona? Ta cibikkwi akwalo. Baa, Davida wa kaamba, “Uli a coolwe muntu oyo Leza ngwa tabikki cibi.” Cindi wanooli muli Kristo, tokwe kuyandisisya kwa cita cibi. “I mukombi, wasalazigwa lumwi, tacikwe manjezeezya limbi aa cibi,” to cici yandisisyi. Lino, ku nyika, inga waba sizibi; pele, kuli Leza, toli boobo, nkaambo uli muli Kristo. Mbubuti mbo konzya kuba sizibi kakuli uli muli Umwi utakwe cibi, elyo Leza ubona buyo Nguwe Oyo mobede mukati?

<sup>29</sup> Lino ciindi eci cabutebuzi. Ku matalikilo, cindi Leza naka miza Mbuto Yakwe aatala aa nyika a kwiipa mu myoyo ya bana Bakwe, mukwasyi Wakwe, ku bamba Ijwi eelyo, obo mbo bwakali buyo bukwalizi bwabo, kubamba Ijwi eelyo! Mpaawa sinkondo waka boola mukati a kusotoka mulao oyo, kwiinda mu kumiza mbuto ya lukazyo, iimpene ku Ijwi lya Leza. Ikuti na olo lwakali lukazyo ku matalikilo, mbulu cibede. Kufumbwa cintu ciyo yungizya cintu cili coonse ku Ijwi lya Leza, cicili mbuto ya lukazyo! Ta ndikwe makani oko nko izwida, kuti na izwida ku kabunga, ikuti na izwida ku mbaakani zyampi, ikuti na izwida ku bweendelezi bwatunzenyu, kufumbwa cintu ciimpene ku Ijwi lya Leza, ngu mbuto ya lukazyo.

<sup>30</sup> Cindi muntu aa yima a kwaamba kuti ngu mukambausi wa Makani mabotu, a kwaamba kuti “mazuba aa maleele akamana eno,” eyo ni mbuto ya lukazyo. Cindi muntu aa yima a kwaamba kuti ngu mukutausi, i mweembezi wa mbungano ya kubusena bumwi, elyo ta syomi kuti Jesu Kristo ngu mbubonya mu bube boonse (cita mubili wakunyama), mbobuca nguwenya, sunu, amuya myaaka, eyo ni mbuto ya lukazyo. Cindi aamba kuti “maleele a bukkalo bwa baapostolo bwakamana,” eyo ni mbuto ya lukazyo. Cindi baamba,

“Taakwe cintu boobu mbuli kuponesegwa kwa Buleza,” eyo ni mbuto ya lukazyo. Nkabela nyika iizwide njiyona. Ila pa mookezi a kujaya maila cakufundilila.

<sup>31</sup> Tu la bona kuti sikumiza mutaanzi wa mbuto ya lukazyo wa kazalikwa kuti “i dyabolosi,” alimwi tu lizyi wakali nguwe, mu Matalikilo 1. Lino tu jana kuti, alimwi kuya ambi awa mu—mu Bbuku lya Matayo, capita 13, Jesu uci zalika lukazyo luli loonse ku Ijwi Lyakwe mbuli kuba “i dyabolosi.” Alimwi eyi 1956, kufumbwa cintu eco cimiza lukazyo, lwiimpene ku Ijwi lilembedwe lya Leza, nanka kubikka kufumbwa bupanduluzi bwamuntu kuli Ndilyo, ngu mbuto ya lukazyo. Leza taka bulemeki pe. Ta konzyi. Ta ciiko sangana. Ta cikaciti cancobeni. Lili mbuli mbuto ya mustada; tai koosangana a cintu cili coonse cimbi, to konzyi kwiitintanya, ileelede kuba cintu ca kasimpe. Mbuto ya lukazyo!

<sup>32</sup> Lino tula jana, cindi Leza na kamiza Mbuto Yakwe mu muunda wa Edeni, tu jana kuti ya kazyala Abela. Pele cindi Saatani na kamiza mbuto yakwe ya lukazyo, ya kazyala Kaini. Umwi wa kazyala umwi mululami; umwi wa kazyala umwi utalimululami. Nkaambo kakuti Eva wa kaswiilila ku ijwi lya lukazyo, liimpene ku Ijwi lya Leza, elyo caka talisya kucitika kwa cibi mponya awo, alimwi cakatalika kucitika kuzwa ciindi eco. Alimwi tatuka cilesyi coonse kusikila baangelo baka boole a kusalulula i cintu, alimwi Leza akabweze bana Bakwe kuya ku Bwami, alimwi a insaku ziyo uumpwa. Mubone misaansa eyo yobilo.

<sup>33</sup> Ikuti ni twali jisi buyo ciindi cinji aa ciiyo eci, pele kuguma buyo masena ayo aeelede kwaambwa, kutegwa inga twa njila moonya mu kukombela baciswa mu maminiti masyoonto aacilila.

<sup>34</sup> Mubone, imbuto zyabo zya komena antoomwe mbubonya buyo mbuli Leza mbwa kaamba kuya awa akwalo mu capita 13, ya cibalo cesu masiku aano, ya Matayo, “Amu zileke zikomene antoomwe.” Lino, Kaini wa kainka ku nyika yaku Nodi, kali janina banakwe, elyo wakakwata; elyo Abela wa kajaigwa, elyo Leza wa kabusya Seti ku bweza busena bwakwe. Elyo mazyalani aka talika kuzumanana, aakati ka balulame a balubide. Lino, tu labona kuti bakabungana, imwi aimwi yabo, ciindi a ciindi, elyo Leza wa ka. . . Ya ka bija loko mane Leza cakamupa kuti a yinyonyoone.

<sup>35</sup> Pele kumalekelo zyakamena kusikila zyoonse imbuto ezyo, mbuto ya lukazyo a Mbuto ya Leza, katondezya mitwe yazyo ya kasimpe, elyo eco caka lijana muli Judasi Iskariote a muli Jesu Kristo. Nkaambo, Wa kali Mbuto ya Leza, Wa kali matalikilo aa bulenge bwa Leza, Wa kali Leza mupatikapatila. Alimwi Judasi Iskariote wa kazyalwa mwana wa lunyonyooko, wa kazwa ku gehena, kajokela ku gehena. Jesu Kristo wa kali Mwana wa Leza, Ijwi lya Leza lyaka yubuluka. Judasi



Iskariote, mu lukazyo lwakwe, wa kali mbuto ya dyabolosi, ka boola ku nyika, elyo ku kaambo kalucengo; mbuli buyo mbwa kabede ku matalikilo, Kaini, wakali wisi wakwe.

<sup>36</sup> Judasi wa kali kulibotezya buyo zya mbungano. Ta kasinizizye ncobeni. Ta ka jisi lusyomo mu bwini; inga na taka kaaba Jesu. Pele, mwabona, wa kamiza mbuto eyo ya lukazyo. Wa kayeeya kuti wakali kukonzya kupanga balongwe a nyika, bukombi bwa mali abuvubi, alimwi akwalo kuba cilongwe a Jesu, pele wa kamukilwa kucita cintu cili coonse kujatikizya neico. Cindi oora lini nilya kasika, cindi na kacita cintu cibi eci, wa kazabuka muncali wakwaandanya aakati akuya kumbele a kujokela musule. Wa kalelede kuzumanana mu nzila eyo nja kainka, mbuli silweeno. Wa kamiza mbuto ya lukazyo, wa kasola kujana luzyalo a tubungwe oto tupati twa buzuba obo, a ba Farisi a ba Saduki. Alimwi kali kuyeeya kuti uyo lipangila mweelwe mupati wa mali, elyo kutegwa abe simpuwo aakati ka bantu. Ikuti eco tacipi bantu banji loko ku njila mu lukazyo olo, kusola ku jana luzyalo a muntu! A tu jane luzyalo a Leza, kutali a muntu. Pele eco Judasi nea kacita cindi ilukazyo olo nilwa keendelezya muli nguwe.

<sup>37</sup> Elyo tu lizyi kuti Jesu wakali Ijwi, Musalali Johane 1, kaamba, “Ku matalikilo kwakali Ijwi, alimwi Ijwi lyakali a Leza, alimwi Ijwi wakali Leza. Elyo Ijwi yakaba mu mubili wabuntu a kukkala awa aakati kesu.” Mpawo, Ijwi ni Mbuto, nkabela Mbuto yakaba mu mubili wabuntu a kukkala aakati kesu.

<sup>38</sup> Ikuti na Judasi wakali mbuto ya sinkondo a lukazyo, a yalo yakaba mu mubili wabuntu a kukkala aakati kesu mu ciimo ca muntu Judasi Iskariote. Ta ka jisi lusyomo lwa ncobeni, ncobeni. Wa ka jisi eco ncakali *kuyeeya* kuti lwakali lusyomo. Kuli cintu cili boobu mbuli kuba a lusyomo; a lusyomo lwa kuli-cengeezya.

<sup>39</sup> Elyo lusyomo lwa kasimpe lwa Leza luyo syoma muli Leza, alimwi Leza ngu Ijwi, talu kayungizyi cintu neciba comwe kuli Ndilyo. I Bbaibbele lila twaambila ikuti na twa yungizya ijwi lyomwe, nanka kugwisya Ijwi lyomwe, zibeela zyesu ziyo gwisigwa ku Bbuku lya Buumi, Ciyubunuzyo 22:18, i capita ijala yamamanino.

<sup>40</sup> Ku matalikilo aamakankilo, Bbuku taanzi lya Bbaibbele, Leza waka baambila kutasotoka Ijwi lyomwe lya Eco, “Ijwi lyoonse lyelede kubambwa,” ba leelede kuponena ku Ijwi eelyo. Jesu, aakati ka Bbuku, ka boola kwalo a kwaamba eco mu bukkalo Bwakwe, alimwi wakati, “Muntu taka poneni a cinkwa calo, pele a Ijwi lyoonse eelyo—eelyo lizwa ku mulomo wa Leza.” Elyo mu kujala kwa bukkalo bwa Ciyubunuzyo, kaambwa kuciyocitika kumbele kuli ndiswe, kuti “Kufumbwa muntu uyo gwisya Ijwi lyomwe kuzwa ku Bbuku, nanka kuyungizya ijwi lyomwe kuli Ndilyo, cibeela cakwe ciyo gwisigwa kuzwa ku Bbuku lya Buumi.”

41 Aboobo taku konzyi kuba cintu neciba comwe citazizilwe maningi, buyo Ijwi, lya Leza lisalala lya kasimpe! Abo ngu bana balombe ba Leza, bana basimbi ba Leza, abo bata zyedwe ku luyando lwa muntu, nanka ku kusukana janza, nanka ciimo cimwi ca lubapatizyo; pele kazyalwa mu Muuya wa Leza, kwiinda ku Muuya Uusalala, a Ijwi kali liyubununa Lwalyo kwiinda muli mbabo. Eyo ni Mbuto ya Leza ya kasimpe!

42 I sinkondo ulaba cibeela ca mbungano a kuba nguwenya muzumini mu tulengwa twa bukombi nanka cintu cimwi. Pele eco ta cili. . . Olo ngu lukazyo, kufumbwa cintu cinyonganya bube obo bwa Bwini ncobeni bwa Ijwi lya Leza.

43 Ino tu zyiba buti? Tu laamba, “Ee, ba, uli jisi nguzu zya ku Li pandulula?” Peepe, munene! Taakwe muntu uujisi nguzu zya ku pandulula Ijwi lya Leza. Ngu sikupandulula Lwakwe Mwini. Ula li syomezya, mpawo Uu lali cita, obo mbo bupanduluzi bwalyo. Cindi Na ka Li syomezya, mpawo Wa ka Li zulizya, obo mbo bupanduluzi bwa Ndilyo. Kufumbwa cintu ciimpene ku Ijwi lya Leza ngu lukazyo! Nincobeni!

44 Lino, mbuli mbo Nda amba, Judasi ta ka jisi lusyomo lwa ncobeni. Wa ka jisi lusyomo lwa kuli-engezeza. Wa ka jisi i—i lusyomo olo ndwa kayeeya kuti oyo wakali Mwana wa Leza, pele ta kazyi kuti wakali Mwana wa Leza. Inga nataka cicita pe. Nkabela muntu oyo uyo zumina ciimo citeeleli ku Ijwi lya Leza eeli kuba Bwini, uujisi lusyomo lwa kuli-engezeza. Mulanda wa kasimpe wa Leza uyo jatilisizya ku Ijwi eelyo.

45 Mbali zya masiku ainda, mukutausi umwi, waku Arizona, wa cikolo, cizizilwe omuno mudolopo eli, wa kaboola kuli ndime a kwaamba, “Ndi—Ndi yanda kukululamika aa cintu cimwi” (Nda kaamba. . .) “elyo yebo wa jana ciindi ceelede.”

Nda kaamba, “Eci nce ciindi ceelede cibotu maningi nce Ndi zyi. Boola kuya.”

46 Elyo aboobo wa kaboola kuya, wa kaamba, “Ba. Branham, mu sola. . . Nda syoma uli sinizizye alimwi ula syomeka, pele uli mu kusola kuzibya ku nyika Njiisyo ya buapostolo.” Elyo wa kaamba, “I bukkalo bwa buapostolo bwakamana a buapostolo.”

47 Nda kaamba, “I cintu citaanzi nce Ndi yanda kukubuzya, mukwesu wangu, sena ula syoma kuti Ijwi lya Leza lyoonse lyakalembwa aa bunanike?”

Wa kaamba, “Iyi, munene, Ndi lacita cancobeni.”

48 Nda kaamba, “Nkokuti, sa inga wa ndi tondeezya mu Ijwi awo bukkalo bwa buapostolo mpo bwa kamana? Lino, yebo ndi tondeezye awo mpo cibede, Ndi yo zuminana a nduwe.” Elyo Nda kaamba, “I mulembi wa buapostolo, umwi oyo waka jisi zijaluzyo zyaku Bwami, aa buzuba bwa Pentekoste cindi bukkalo bwa buapostolo nibwa kazibisigwa, ba kaamba, ‘Baalumi a bakwesu, ino inga twa cita buti kuti tufutuke?’ Wa

kaamba, ‘Amusanduke, umwi aumwi wanu, a kubapatizigwa mu Zina lya Jesu Kristo, ku kujatilwa kwa zibi, elyo muyo tambula cipego ca Muuya Uusalala, nkambo cisyomezyo cili kuli ndinywe a ku bana banu, a kuli baabo bali kulaale, akwalo boonse Mwami wesu Leza mba yooita.’ Lino, mbobuti Ijwi mbo likonzya kulikazya Lini?”

I mwaalumi wa kaamba, “Ndi jisi kuciswa ntuntumanzi mbyaabi masiku ano.”

Nda kaamba, “Ndi yeeya boobo, ambebo.” Mwabona?

<sup>49</sup> Lino yebo ndaambile, sa Leza uciita? Ikuti na Leza uciita, nkokuti bukkalo bwa buapostolo buciliko. Ncamasimpe! Boonse Mwami Leza wesu mba yooita, sola kwiita, sola kuyo yiita, boonse Mba yooita, bu cinooli bukkalo bwa buapostolo, nkambo Jesu Kristo ngu mbobuca nguwenya, sunu, amuya myaaka.

<sup>50</sup> Lino, tu jana kuti sunu lukazyo olu lwa kamizwa mu makkalo oonse. Ikuti na cali kukonzeka ku cinjizya mu maminiti aacilila aali kkumi nanka kkumi aosanwe, inga Nda cicita, pele to konzyi. Mu ciindi ca makkalo... Toonse tuli, bunji bwesu toonse tu labala Bbaibbele. Elyo lino mbuli cindi Jesu naka boola, nkabela Wa kajana lukazyo olo, lwiimpene. Wa kali Ijwi lya kayubuluka, Wa kali bupanduluzi bwa Ijwi lya Leza, nkaambo Wa kaamba, “Amulingule Magwalo, nkambo muli Ngawo mu yeeya kuti muli aa Buumi Butamani, alimwi nge ngawo ayo aa lungulula Ndime.” Nceeco we. Wa—Wa kali bupanduluzi bwa Ijwi. Elyo boonse bana balombe a bana basimbi ba Leza baka-kazyalululwa ba bukkalo obu ngu bupanduluzi bwa Ijwi. Muli magwalo aalembedwe, aa balwa abantu boonse. Iiyi.

<sup>51</sup> Mubone, Wa kaamba, “Muli cabuyo mu ba Ndi komba, kuyiisya lukazyo kuba Njiisyo. Muli cabuyo mu ba Ndi komba, kuyiisya lukazyo kuba Njiisyo, njiisyo zya bantu, tulengwa twa bukombi itwa bantu, kuyiisya eco kuba Ijwi lya Leza, kakuli ta cikwe cintu neciba comwe cakucita a Ijwi lya Leza.”

<sup>52</sup> Mulange, makkalo oonse ala nkamu ya bantu ili boobu, makkalo oonse aa kacicita, a bwesu bunyina ntamizyo. Tu jisi cintu nciconya, alimwi bukkalo bupati loko bwa ncico kwiinda makkalo oonse kwaabikka antoomwe, nkambo oku nkumana kwa makani aakacitika aa nyika. Olu ngu lukazyo lupati olo lwaka sola kuba aansu, iluli atala aansu sunu. Lukazyo mu makkalo aambi lwaka badonsa kuzwa kuli Leza muumi a wabwini, kuya ku mituni. Sunu, Jesu wa kaamba muli Matayo 24:24 kuti luyo tandila kukozyanya loko, inga ciyo cenga mbabonya Basale ikuti ni cali kukonzeka. Mwaambule kujatikizya lukazyo! Oh, luli cenjede maningi. Saatani uli aakati ka bantu, a silwiyo boobu buyo wazyabukombi azyaleza, i Mwiiyi boobu wazya Buleza a bukombi, lakonzya kuyiisya Ijwi elyo munsu lianzila iilondokede. Jesu wa kaamba boobo. Pele

aamu mulangilile buyo, kuyooba ku busena bumwi. Kaamba, “Ee, lino, eco tee cakali ca ceeci.” Oh, iiyi, mbocibede, acalo, mwabona, nkaambo Leza wa kaamba kuti mbo cakabede.

<sup>53</sup> Mulange eco nce cakacita. Lwalo lukazyo ndulonya lwa kaleta bukali bwa Leza ku mazuba aa kwa Nowa, cindi Leza naaka tuma musinsimi Wakwe kubusena elyo wa kakambauka mbuli mulilo wamabangabanga, kaita lweempo ku bantu, nkabela lukazyo lwaka nyikila mu busena. Mpawo Saatani wa kacita nzi? Kaboola kutalika ncobeni, muli Hamu, elyo wa katalika kwiimiza alubo. Eco mbombubo ncobeni.

<sup>54</sup> Kuciindi eco kwaka boola Musa, musinsimi mupati, ku leta bana ba Israyeli kutala kuzwa mu nkanda. Ncinzi cakacitika? Musa, musinsimi mupati wa Leza, ku baleta ku Bwini bwa ncobeni, Bwini bwaka simpikizigwa. Wa ka swaangana Leza. Leza wa katondezya kuti waka Mu swaangana. Obo bantu abo kaindi kuya, bapaizi abo, alimwi bakali jisi bukombi bwabo, zilengwa zyabo zyakombi, mapobwe aabo a zintu zyoonse, pele Musa wa kaima mbuli lusimpiko lwa bupanduluzi bwa Ijwi. Muta lubi eco! Musa wakali bupanduluzi bwa Leza bwaa cisyomezyo Cakwe. Wa kaamba kuti inga uyo cicita; wa kali bupanduluzi bwa Leza.

<sup>55</sup> Ino ncinzi cakacitika? I mbungano niya kazwaa kutalika kweenda aa mauulu kuzwa mu Egepita, aa mauulu ayo mazuba masyoonto, nkabela ncinzi cakacitika? Saatani wa kaboola kwalo a lukazyo lwakwe mu muntu, Kaini wabili, oyo wakali Balamu, elyo wa miza lukazyo aakati kabo. Tu lizyi eco cili luleme. Oyo Balamu, luyiisyo lwa Balamu, kuti “tu li bamwi buyo toonse, tu belekela Leza omwe ngo mubelekela,” munzila yamulao, wa kali luleme, nkaambo wa katuula cituuzyo eco Leza nca katuula; bagutu bambelele bali lusele, basune bali lusele aa zipaililo zili lusele, a kukomba kuli Leza omwe ka kulondoka buyo mbuli Musa ncakacita kubusena mu nkanda, buyo mbubonya ncobeni. Pele tee bakali bamwi! Kutondezya ziciza kuli ndiswe eco cinga ciyo boola kucitika. Kwa kali, alimwi, Kaini wakali yubuluka i—i mu ciimo ca muntu Balaamu. Alimwi kwakali Leza wakali yubuluka mu ciimo ca muntu Musa, ka pandulula Majwi Aakwe kwiinda mu muntunsi, kali zibya Lwakwe, cisyomezyo Cakwe, kwiinda mu muntunsi. Nkabela lukazyo lwaka libonya.

<sup>56</sup> Aboobo lwa kacicita mu ciindi ca Judasi, mpaawo wa kaboola a lukazyo lwakwe.

<sup>57</sup> Elyo, amuyeeye, eci cibi bantu abo nco bakasyoma, kuti “tu bamwi buyo toonse, tu komba Leza omwe, toonse twe elede kuzulilwa ku mbungano yomwe, twe elede kuba bantu bomwe,” eco cibi tee caka jatilwa kuli Israyeli! Jesu wa kaamba, Lwakwe, “Balo boonse bali fwide!”

58 Ba kanyonyooka, boonse kunze lya botatwe babo. Abo bakali bamwi i baka zumanana ku jatisya a kusyoma cisyomezyo. Cindi bakompami niba kaamba, “Ta tukonzyi kwiikona nyika, alimwi tacikonzeki loko kuli ndiswe,” a zintu zimwi; Kalebi a Joshua bakatontozya myoyo ya bantu, a kwaamba, “Tu la konzya loko kwiikona, nkaambo Leza wa kayi syomezya kuli ndiswe! Ta ndikwe makani a oyo sikukazyamba mbabede!”

59 Elyo tu lakonzya katu cikambauka kuponesegwa kwa Buleza, a lubapatizyo lwa Muuya Uusalala, alimwi kakucili nguzu zya Leza zyaku twandaanya ku zintu zya nyika. Leza wa kaamba boobo! I bukkalo bwa buapostolo tabu na mana, alimwi tabu kamani, bula zumanana.

60 Aboobo, tu lajana sikumiza wakaindi nguwenya wa lukazyo. Elyo amuyeeeye, cibi eco taakwe nicaka jatilwa. Lino, mukwesu, ikuti na tee caka jatilwa kaindi, ino kujatikizya lino cindi i—i mbuto iya kasimpe ya makkalo oonse noili muku boola antoomwe?

61 Mubone cintu eci cipati eco Balamu ncaka cita, caka zumanana aku zumanana, elyo kumalekelo caka golela mu kuboola kwa—kwa Judasi Iskariote, a Jesu. Ino cakali cinzi? Judasi a Jesu bakali cikozyano buyo ncobeni ca Kaini a Abela. Nkambo, mbuli Judasi mbwakali mukombi, awalo Kaini wakali mukombi. Kaini wakayaka cipaililo, wa kabamba cituuzyo, wa kakomba Leza, wa kali buyo mbuli usinizizeye muli mbubo mbuli uumbi umwi mbwaka bedede. Pele, nywebo mwabona, ta ka jisi ciyubunuzyo ca Ijwi obo mbo lya kabede. Wa kayeeya kuti wakali Adamu a Eva kuti bakalya ma appeli amwi nanka mucelo umwi. Elyo Kaini . . . Abela, kwiinda ku ciyubunuzyo, wa kalizyi kuti cakali lubide; bwa kali bulowa bwaka bagwisya aanze, elyo wa katuula kabelele. Elyo Leza waka lungulula kuti cituuzyo cakwe cakali luleme. Mpawo wa kaba abbivwe alimwi wakasoleka kujaya munyina wakwe. Elyo mbubonya mbwa kajaya munyina aa cipaililo nciconya awo cituuzyo cakwe mpo caka fwida, i kabelele kakafwida aa cipaililo, mbubonya Judasi Iskariote mbwa kacita kwaaba Jesu Kristo aa cipaililo ca Leza, elyo ka Mu jaya mbubonya mbuli Kaini mbwaka jaya Abela. Nkaambo, Kaini wakali mbuto ya lukazyo.

62 Elyo Balamu mbwakabede obo, musinsimi wakubbadela mali, muntu oyo wa keelede kuzyiba kabotu. Elyo Leza waka mucenjezya mu zitondeezyo a zigambyo, alimwi akwalo kambongolo ka kaamba mu myaambo iitazizilwe, elyo nekubaboobo wa ka zumanana ncobeni mbubonya buyo. Wa kazyalwa kuba i—i sikumiza wa lukazyo.

63 Elyo ikuti na Jesu wa kaamba kumbele zya bukkalo obu kuyolijana mu lukazyo lupati kwiinda olo lwaka sola kuba, bukkalo bwa mbungano ya Laodikeya, iikasaala mbicaani,

eyo yaka Mu tandila aanze lya mbungano, mbobuti mbo cinga caba cintu cili coonse cimbi cita lukazyo olo! Ncamasimpe, mbocibede. Lu golela mu bukkalo obo.

Elyo wa kali Kaini a Abela alubo aa Kalivari.

<sup>64</sup> Lino mubone, mbuli lyoonse, ciindi ncoonya Jesu nakazwa buyo, kanjila ku Julu, Muuya Uusalala waka boozegwa. Eyo yakali Mbuto, sikupa-Buumi ku Ijwi, mbuli mbo twaka kanana masiku aayinda. Ngo Umwi oyo uuponosya Ijwi. *Kuponosya* caamba “kuleta ku Buumi.” I Muuya Uusalala wa kasimpe upa buyo Ijwi kuba Buumi kuteeti Mpo lili. Ta ukoleta kalengwa ka bukombi kubaa Buumi, Ta ukonzyi, nkaambo Tauli cintu nociba comwe ca kalengwa ka bukombi. Ngu Buumi bwa Ijwi lya Leza, nkambo Ngu Leza. Mwabona? Elyo Ula ponosya Mubili oyo.

<sup>65</sup> Lino mubone, mbuli mbo bakacita. Mpawo, alimwi Bbaibbele lya kaamba, alimwi—alimwi Johane waka kanana ku bana bakwe elyo wa kaamba, “Bana baniini, mwaka mvwa kwa sinkondonyina akristo oyo wa keelede ku boola mu nyika,” kaamba, “oyo uli kale mu nyika, alimwi uli muku beleka mu bana batamvwi.” Lino, oko lyakali kaindi kutandila kunjiza a kupanga kabungwe kamana ku boola kwa Muuya Uusalala. Tu lajana, cindi Muuya Uusalala niwaka boola, Mbuto ya kasimpe, Sikupa-Buumi wa kasimpe ku Mbuto, nkabela mpaawo kwa boola lukazyo olo mukati alubo. Elyo mubone, lwaka zumanana kwiinka. Lwa kajisi . . .

<sup>66</sup> I Ijwi lya kasimpe lya kasimpikisigwa, balo basinsimi bakale baka simpikizya Ijwi lya Leza kuba Bwini mbuli mbo bakali kuya buya ansi. Ikuti na muntu uuli oonse wa kasola kubala Nicaea Council, nanka Pre-Nicaea Council, alo mazuba aali kkumi aosanwe aatunzenyu aakutila kwa bulowa, cindi zyalo nkamu zya ba Roma ku busena kuya nibakali kuyanda kunjizya a kupanga kabungwe kuzwa ku mbungano eyo. Basinsimi baka njila, kabali vungaide mu zikutu zyambelele, kabalya zyaku masamu, nkabela bakaiminina Ijwi elyo! Pele ino cakacita nzi? Ca ka leelede kuba mbuli Kaini, ca ka leelede kuba mbuli Abela, umwi wa keelede kufwa. Ncamasimpe, caka cicita. Nkabela Ijwi lya kasweekelwa nguzu zya Lyo aakati ka bantu, elyo boonse ba kakaka Ijwi lya bwini elyo baka njizya tunsiyansiya twa lukazyo lwa mbungano ya Katolika ntaanzi. Ba kayungizya pope, ba kayungizya bishopo, ba kayungizya *eci*, *eco*, i *cimbi*. Ba kagwisya bupanduluzi bwini ncobeni bwa Petro, a bwa—bwa—bwa Maria, a—a coonse cimbi ca ncico; a kupanga zikozyano, a kupanga cimwi buyo a mapobwe aa bahedeni kuzwa mu bukombi-butegwa Bunakristo. Ino cakali cinzi? Mbuto ya lukazyo! Elyo kapanga kabunga, kapanga kabunga, ku ciindi citaanzi aa nyika, i mbungano. Ino cakali cinzi? Eyo mbuto ya lukazyo eeyo yakatalika kumiza, cintu cimwi cakuyungizya nkuko, ku gwisya.

67 Nguni waka sola kumvwa, mu Bbaibbele, kutalya nyama muli Bwasanu? Nguni waka sola kumvwa, mu Bbaibbele, kwa cintu cili coonse ca kusansaila mu mweenya wa kubapatizya, kunyikizya? Nguni waka sola kumvwa kwa zintu eezyo, i “Wabonwa, Maria” nanka cintu cimwi? Nguni waka sola kumvwa kwa zimwi ezi zyaufubafuba bubolede bwazy baaba ba Protestanti, abalo? Mupika tuukonzyi kwiita ketro kuti inambene mafuta. Mbombubo! Buyo, kuba a mulandu ku cibeela ca cintu nkubaa mulandu kuli coonse! Nguni waka sola kumvwa kwa Leza ku sola kubeleka mu kabunga? Nditondeezye ciindi comwe awo imwi yakasola kuba kabunga elyo kuba iipona lyoonse. Zya kafwa ndyoonya biyo, alimwi taakwe nizya kabuka alubo! Ngu ciindi cakuti cintu cimwi cacitika, ngu ciindi ca Leza kuti abeleke. Ca kajaya nguzu aakati ka bantu.

68 Cintu nciconya cacitwa sunu. Ba la jaya nguzu, kwaamba, “Oh, eyo nkamu ya babumbulusi-basalala, taakwe cintu kuli mbabo.” Alimwi, baa, ngu lukazyo! Swaangana Ijwi ku busyu a busyu a kuli bona Mbo libede, kubona kuti na Leza ula pandulula Ijwi Lyakwe Mwini. Leza ula konzya kubusya mabwe aya kuba bana kuli Abrahamu. Ameni.

69 I Ijwi lyaka simpikisigwa cakumaninina kwiinda kuli balo Banakristo bataanzi, obo Leza mba kabavuna kuzwa ku zintu zyoonse, a malwazi, alimwi bakali jisi basinsimi, alimwi ba kaambaula mu myaambo, kapandulula, alimwi bakapa milumbe eyo yaka tondeezegwa kuba bwini cancobeni ziindi zyoonse. Pele mu busyu bwa boonse eelyo Ijwi lyaka simpikisigwa, bantu baka Li kaka, mpawo baka sala kabungwe. Oyo ngo banyina wa tubunga toonse.

70 Zyoonse zili simide cakumaninina lino. Zyaka talika kusonsa alubo. Ya kazimaana, pele yaka syuuka alubo mu mazuba aa kwa Luther, mbuli mbo tuzyi kuzwa ku mulumbe mutaanzi awa kuseeni lya cakulya cacifumo. Ya ka syuuka koonse mu buzuba bwa Luther. Lino ino baka cita nzi? Ndyoonya biyo nikwaka mana kufwa kwa muntu oyo mupati, baka panga kabunga.

71 Ya ka syuuka koonse. Alimwi alubo mu mazuba aa kwa John Wesley, cindi balo bana Anglikani, a boonse bukwabilizi bwabo butamani a zintu zyoonse zyaka cisungilizya mu busena kuli ceeco citandila kuba ciyanza ca bantu boonse mu nkamu, elyo ncinzi caka citika? Leza waka busya muntu wakaulikidwe kuti John Wesley, nkabela waka jaya cintu coonse. Alimwi mbwaka fwida buyo, walo a Asbury a balo, ncinzi cakacitika? Ba kapanga kabunga, alimwi lino muli jisi misyobo yoonse ya ba Methodist. Mpawo muni kwaka boola imwi nanka imbi, Alexander Campbell, John Smith, alimwi a bambi banji.

72 Kumalekelo, kwa kazwa Pentekoste, kuzwa koonse kwa njiyo. Ino ncinzi caka citika mpawo? Ba kabeleka

kabotu, ino ncinzi caka musinkila? Mwaka joka moonya mu ntimba njiyona momwakazwa, ku joka moonya mu mankandya, kajokela ku lukazyo a kupanga tubunga, nywebo mwakazumina ciimo citeeleli ku Ijwi. Alimwi ciindi coonse Leza nakali kunga watuma cintu cimwi cipya, tee mwaka konzya ku citambula. Ncibotu! Lukazyo alubo! Alimwi, mubone, mbuli mbu Nda kaamba buzuba bumwi, eco cikwa ciniini citaanzi cakamena kuzwa ku muyanda oyu, caka boola mu matu alimwi atala mu ngalaala, mpawo kujoka mu cisiko alubo, elyo ca kuzwa. Eco cikwa ciniini ca maila cilangika kubaanga ni nseke lwayo, elyo twa kayeeya kuti yakali njiyo, pele ciindi wa cijula, taakwe nseke muya pe. Ngu cigwasilizyo buyo ca nseke kuti ikomenene kuli ncico, elyo cilafwa acalo, elyo buumi bulazwa ncobeni kuli ncico elyo bula njila mu nseke. Amubone, aboobo baita mabungano oyo aa kamiza. . .

<sup>73</sup> Tu jana kuti sunu aategwa-mabungano esu, akwalo kuli ba Pentekoste besu, twa kazwa, tee twa kakonzya kukkutula, twa kapanga makamu esu tobeni. Zintu zyoonse zyakali bonya, twa ka leelede kuba a *eci*, twa ka leelede kuba a *eci*, twa ka leelede kuba a nkamu iimbi. Alimwi muntu oyu waka buka, kaamba, “Ula boola aatala lya kkumbi lituba.” Aumbi umwi waamba, “Uh-huh, Ula boola aatala lya mbizi ituba.” “Ncibotu, tu yopanga inkamu zyobilo.” Mwabona, ino ncizi? Kumiza kwa lukazyo! Cindi Na boola, kufumbwa mbo kubede, Uyo pandulula Ijwi Lyakwe Mwini cindi Na boola. Atu lindile mane ciindi eco. Mujate i. . . Kwaambaula kujatikizya eco, tamu konzyi akwalo kutambula Mulumbe wa buzuba. Lyoonse kutondeka kuli eco Leza nca yoocita, nanka eco Nca cita, a kutabikkila maanu kuli eco Nca li mukucita. Eyo nje nzila mbo tu njizya ilukazyo muli ncico.

<sup>74</sup> Lino tu la bona eco sunu mabungano esu, oonse—oonse mabungano esu a miza ku myuuwo, elyo ali muku tebula kambizi. Ta tu jisi miswaangano ya mipailo, ta tu jisi miswangano mbuli nji twa kali kuba. Ino ndi penzi nzi? Twa lekela zintu kutaba aa ziimo zizuminwa ku zintu zyoonse. Amulange, akwalo mabungano esu aa Pentekoste, kabambwa kuzula banakazi bageledwa-masusu. Eco tee cakali kuzumizigwa. Masyu aapentedwe, kunana misila yaku maala, yoonse misyobo ya zintu; gwisya muntu awa a. . . mbuli ba Rickie a zimwi zimbi; kakwata ziindi zyoatwe nanka zyone, a badaikona; oh, ino ngo lukazyo! Ngo busofwi! Mbobuti mbo ba cicita? Leza taka cilekela kuba mu Mbungano Yakwe, ba leelede kwiinka ku kabunga kunjila muli ncico. Muntu umwi ula yoowa kwaamba cintu cimwi kujatikizya ncico, nkaambo inga watandwa kuzwa ku kabunga. Leza, kotupa bantu abo bataswaangene a cintu



cili coonse cita Leza a Ijwi Lyakwe, abo bayo amba Bwini kujatikizya ncico. Eco ncecico ncobeni nco tuyanda. Ino twa cita nzi? Miza lukazyo. Twa miza ku myuuwo, elyo lino tu li mukutebula kambizi.

<sup>75</sup> Mubone kuti lino zili muku bungikwa antoomwe kutegwa zyuupwe. Sena mwa bona, Jesu wa kaamba, “Lutaanzi, mu zibungike antoomwe, mu zyaange mu misunta, elyo mubikke yoonse misunta mu cilwi comwe, elyo Ndi yo zyuumpa.” Kuli musunta muniini uutegwa Methodisti, Baptisti, wa Presbyter, wa Luther, iili muku bungana antoomwe mu World Council of Churches. Ino ncinzi? “Mu zibungike lutaanzi!” Aleluya! Sena mwa bona, Ula bungika insaku lutaanzi, ula zigwisya kuzwa ku maila, ula zyandaanya, “Mu zibungike antoomwe alimwi a ku zyuumpa.” Zyoonse zyeedele kuumpwa a mbeta zya Leza, nkambo ka kumiza lukazyo aakati ka bantu, zintu ezyo nziba. . . Bala ciwa ca bukombi, elyo bala kaka Nguzu zyambubo, kukaka Ijwi, kwiimininaa buyo mapobwe amwi aa bukombi, aa tunsiyansiya tumwi twa muntu umwi twaka njizigwa mukati, kusola kubikka mukati Ijwi lya Leza. Ta ciko beleka. Ngu lukazyo.

<sup>76</sup> Nda ongolola sunu, mbuli mbu cakabede, musinsimi mupati wa kaindi loko, Amosi, cindi naka selemuka mu muunzi oyo, kaamba, “Ta ndili musinsimi, naanka mwana wa musinsimi. Pele ikuti na mulavu wavuluma, nguni uutakonzyi ku yoowa!” Wa kaamba, “Cindi Leza akanana, nguni uutakonzyi cita kusinsima.” Wa kaamba kuyo citika kwa lubeta aa nzyalani eyo, kaamba, “I Leza nguonya oyo ngo mutaminina kubelekela uyo munyonyoona.”

<sup>77</sup> Amu bikke eci, cili mu teepu, elyo muyo yeeya. I Leza nguonya oyo. . . Bantu aaba lino bali muku bungika butebuzi boonse obu bupati ncobeni bwa—bwa World Council of Churches, elyo mu leelede kuyo njila muli njiyo. Ta mu konzyi kuta janwa muli njiyo. Uyo sala kuzwa kuli njiyo no muntu cigaminina, nanka uyo yi njila. Taku kabi masena aakati kati. Ciyo oba caando ca munyama. Taakwe muntu uukonzya kuula nanka kusambala, cita oyo waka jisi caando, nanka ujisi lukazyo. Lino, muta janwi muli njiyo! Amuzwe muli njiyo! Amwii cije! Amu tantamuke kuzwa kuli njiyo! I Leza oyo ngo bataminina kubelekela uyo banyonyoona. I Leza mupati wa luyando oyo uta. . .

Kaamba, “Ee, Jesu wakakomba kuti toonse tube bamwi.”

<sup>78</sup> Mpawo akwalo Wa kaamba, “Mbobuti mbo mukonzya kweenda antoomwe, bobilo kweenda antoomwe, cita kuteei bazuminana?” Wa kaamba “bamwi,” mbuli Nguwe a Wisi bali Bamwi. Elyo Wisi wakali Ijwi, elyo Wa kali Ijwi lyaka yubululwa. Wa kali “Umwi” a Wisi, nkaambo Wa kali ku

yubuluka kwa Ijwi lyaka syomezegwa lya Leza. Elyo aboobo mbo cibede sunu, nanka kufumbwa buzuba bumbi. Iyi, munene. I Leza ngu Umwi. Uu yanda ndiswe kuba bamwi.

<sup>79</sup> Mbobuti *eci* mbo cikonzya kuba cimwi, *eci* cimwi kacikaka kuzyalwa kwa nakalindu, alimwi *eci* taciciti, kukaka kuponesegwa kwa Buleza, a *eci*, *eco*, zyoonse zyabo mu ciimo ca mapenzi mbuli obo? Bamwi babo abalo ta basyomi muli Leza, ku syoma kuti Wa kali Mwana wa Leza; ku syoma kuti Wa kali mwana wa Josefa, *utegwa* Mwana wa Leza. Ncamasimpe. I bakaba kuciindi comwe ku bana Luther, bana Zwingli, basyoma *eco*, kuti Wa kali buyo muntu mubotu cancobeneni. I ba Christian Science baamba kuti Wa kali musinsimi, muntu wakazizilwe buyo, Ta kali Buleza. Baa, ikuti na Ta kali Buleza, Ngu sikucenga mupati loko oyo nyika nje yakasola kuba awo. Wa kali Leza kwataba boobo Ta kali cintu pe. Wa kali Buleza! Wa kali Wabuleza, Lwakwe, wakaba mu mubili wa buntu aakati kesu, mu ciimo ca muntu ica Mwana wa Leza. Ncamasimpe, obo Mbwa kabede.

<sup>80</sup> Lino twa bona lukazyo lwa njila mukati. Tu lizyi kuti luli aano, taakwe muntu uukonzya kucikaka. Oh, ma! Amubone buyo. Uyo nyonyoona nkamu eyo iita minina kubelekela Leza. Amwi langilile.

<sup>81</sup> Leza wakasyanga Mbutu Yakwe. Ndila jala, nkaambo ngu ciindi cakatalika mundando wa mipailo. Leza wakasyanga Mbutu Yakwe, alimwi Mbutu Yakwe ngu Kristo. Ndi yo kambauka aali ceeco masiku masyonto aaza, abusena Leza mpa kasala kubikka Zina Lyakwe, na Mwami wayanda, ndiza ku ciindi cimwi cacakulya ca cifumo cindi Nda noojisi ciindi cinji. Amulange, Ngu Nzila iilikke ya matijilo. Ngu Mweendelezi wa nguzu zinji alikke wa bwini. Ngu Leza alikke wa bwini, taakwe umbi kunze Lyakwe. “Ndime Leza, a Leza luzutu,” Wa kaamba. Jesu wa kaamba, “Oyu ngu mulazyo: Swiilila yebo, O Israyeli, Ndime Mwami Leza wako, Leza omwe buyo. Ndime Nguwe. Nkaambonzi mu yandaula umbi? Umbi uyo boola. . . Nda boola mu Zina lya Taata Wangu, elyo tee mwa Ndi tambula pe. Pele umbi ula boola mu zina lyakwe mwini, elyo walo muyo mu tambula.” Nkabela baka cicita ku Nicaea.

“Sa uli Munakristo?”

“Ndi muna Baptisti.”

“Sa uli Munakristo?”

“Ndi muna Pentekoste.”

“Sa uli Munakristo?”

“Ndi muna Methodisti,” zina limbi.

<sup>82</sup> Pele ca boola ku Zina eelyo lya “Jesu Kristo,” ba leenda buyo mbuli kulaale kuzwa kuli Ndilyo mbuli mbo bakonzya, taba yandi cintu neciba comwe cakucita a Ndilyo, nkambo

Ngu Ijwi nkabela Ijwi lila lilungulula Lwalyo. Amubone, Nzila iilikke ya matijilo! Ngu Duba lya Saloni, Bbaibbele lya kaamba kuti Mbwa kabede. Mabande oonse (mu Bbaibbele) aa Leza ngaa Jesu Kristo. Wa kali Alfa, Omega, Matalikilo a Mamanino; Oyo wa Kaliko, walo Uliko, a Uyo Boola; i Muyanda a Cisyuukila ca Davida, koonse kuba Muyanda a Cisyuukila ca Davida; Nyenyeezi yaku Bucedo, Duba lya Saloni, Mpana yaku Kkuti, Alfa, Omega, Taata, Mwana, Muuya Uusalala, oonse muli Jesu Kristo! Wa kali kuyununuka kuzwide kwa Jehova Leza wakaba mu mubili wabuntu aakati kesu. Mbubonya obo Mbwa kabede.

<sup>83</sup> Wa kali Duba lya Saloni. Ino baka citanzi a Duba lya Saloni? Ba ka Li kanyauna, ka Li pwayaula, kuteeti ba jane pemfwumu kuzwa kuli Ndilyo. I duba bbotu linunkilila lileelede kukanyaunwa ansi kuteeti ku janwe pemfwumu kuzwa ku duba. Obo bwakali Buumi bubotu, taakwe buumi bwa kaponwa mbuli Obo, pele Lya ka leelede ku kanyaunwa aa Kalivari.

<sup>84</sup> Mwabona, ba kabweza i-i bunanike bwa Duba lya Saloni a kububikka aali Aaroni, wa ka leelede kunanikwa a ngawo kutegwa anjile kumbele lya Mwami mu busena busalala, mu cisitilizyo cisalala. Wa ka leelede kunanikwa a Duba lya Saloni, kutegwa anjile kuyo sansaila cuuno ca luse mwaka amwaka. Elyo bunanike obo buleelede kuba aali nguwe, bweema bununkilila-kabotu ku Mwami, ka bwezedede bulowa bwa kabelele kumbele lyakwe, nakamana awalo kunanikwa aa kabelele. Mapomegrate a milangu oonse aa zikobela zyakwe, wa ka leelede kweenda ntaamo insale, kazilila “kusalala, kusalala, kusalala ku Mwami.”

<sup>85</sup> Mubone, Ngu eelyo Duba lya Saloni, obo Bweema bununkilila-kabotu, Bunanike aa bantu Bakwe. To konzyi ku boola kumbele Lyakwe a kalengwa kali koonse, kufumbwa cintu cimbi, pele kunanikidwe a eelyo Duba lya Saloni, i Ijwi. Ngu Mpana yaku Kkuti akwalo.

<sup>86</sup> Lino, mbobuti musamu mukali utontozya mboujanwa? Ula ijana cindi wabweza mpana a kwiikanyauna, ula jana musamu mukali utontozya. Madokotela bala ubelesya mu mayake aakubbukizya zyasayansi. Bweza muntu uuciswa kulibilika a unyongana, nanka mwanakazi, ulimvwa mbuli kuti uyanda kusondoka, uzelengana koonse a kukwiila, uli mu kuyooowa akunyema kupati, dokota uyo bweza kusyoonto kwa musamu mukali utontozya wakwe wa mpana a kuuyasa mu kuboko kwakwe nanka nsinga aa busena bumwi, nanka yakwe, elyo zila tontosegwa. Ku lamanina limwi kwa kaindi. Pele kufumbwa buyo musamu mukali utontozya oyo wamana, mpaawa zila boola alubo, kwiindila kubija mbuli mbo zyakabede lyoonse.

<sup>87</sup> Pele Nda mwaambila, beenzuma, kuli musyobo uulikke wa Musamu mukali utontozya wa kasimpe kuzwa ku Mpana

yaku Kkuti oyo ngo Ndi zyi. Ngu Mpana yaku Kkuti. Wa ka kanyaunwa aa Kalivari. Wa kayaswa nkambo ka milandu yesu, a mibunda Yakwe twa kaponesegwa. Muli eco, oko ku kanyaunwa kwa malubaluba, Wa kali Lubaluba. Wa kali Lubaluba pati loko eelyo lyaka sola kukomena, wakali eyi Mpana yaku Kkuti, a eli Duba lya Saloni pati. Lino Ula lengelela masiku ano, kuba cibeela ca cizabukilo aakati ka Majulu a nyika, Nda syoma, Wa kali ciindi eco, mu bwini, ku—ku gwisya cibi ca nyika a kujosya kuponesegwa ku nyika. Alimwi Bbaibbele lya kaamba kuti Ngu mbobuca nguwenya, sunu, amuya myaaka.

<sup>88</sup> Mweenzuma, cindi Leza nakaambila Musa, mu nkanda, eco cakali i—i citondezyo ca Nguwe, ku sumpula nzoka ya mukuba. Elyo mukuba wiiminina kubetekwa kwa cibi, nzoka yiiminina, *nzoka ya mukuba* yiiminina “kubetekwa kale kwa cibi.” Mbuli, *mukuba* ngo “lubeta lwa Buleza,” mbuli cipaililo ca mukuba awo zituuzyo mpo zyakali kulazikwa. Elyo awalo Eliya wa kalungumana kujulu mpawo wa kaamba kuti milengalenga yakali mbuli mukuba, lubeta lwa Buleza aa cisi citasyomi eco cakawide kuzwa kuli Leza. Mukuba wiiminina lubeta, lubeta lwa Buleza. Alimwi nzoka yakaiminina cibi ca kabetekwa kale; alimwi Jesu wakali nzoka eyo yaka bambwa cibi nkambo ka ndiswe, alimwi kabweza mbeta zya Leza aali Nguwe. Wa kayaswa nkambo ka milandu yesu, kaciswa nkambo ka nsotoko zyesu, ku komwa kwa luumuno lwesu aali Nguwe, a mibunda Yakwe twa ponesegwa.

<sup>89</sup> Oh, Leza ujisi ciyobwedo Cakwe cizwide Musamu mukali utontozya, masiku ano, wa nduwe. Mweenzuma Munakristo, uli cisidwe a kupenga. Oh, uli katede, ca ku yumina buyo loko. To konzyi ku cizunda ciindi cilamfu, ula—ula sondoka mu buzuba kwasunu obo mbo tupona.

<sup>90</sup> Sena mwamvwa buyo *Life Line* masiku ano, eco nco ba kaamba, eco—eco Russia ncoyamba, mu '55, kuti “cancobeni bayo tola bweendelezi bumaninide bwa nyika yoonse”? Kacitana kucitika eco, Kukwempwa ku leelede ku boola. Aboobo mbobuti mbocili muni, mweenzuma? Cili mponya awa muni lino kuba afwaafwi.

<sup>91</sup> Sa inga tee wa Mu yandaula masiku ano a moyo wako oonse? Ngu Mpana yaku Kkuti, alimwi Ngu mbobuca nguwenya, sunu, amuya myaaka. Uli ano masiku asunu kuli sumpula Lwakwe aakati ka bantu Bakwe, mbuli buyo Musa mbwa kasumpula i—i citondezyo ca cibi, cakabetekwa. Alimwi kutali cibi cilikke, pele a malwazi. Amuyeeye, Jesu wa kaamba, “Mbuli Musa mbwa kasumpula nzoka ya mukuba, mbubonya obo Mwana wa muntu mbwa elede kusumpulwa.” Ino Musa waka ci sumpwida nzi? Nkambo ka cibi, kutasyoma, a nkambo ka malwazi. Jesu waka sumpulwa, awalo, nkambo ka cibi, malwazi, a kutasyoma. Wa kali cintu nciconya.

<sup>92</sup> Lino, masiku ano, mu mazuba cindi notu jisi lukazyo olu lupati, Jesu Kristo wakasyomezya muli Luka, kuti mu mazuba aa kwa...kakuta naba ku Boola kwa Mwami, kuyooaba mbuli mbu cakabede mu mazuba aa kwa Sodoma, alimwi cindi Mwana wa muntu nayo liyubununa Lwakwe, mbuli Mwana wa muntu mbwaka liyubununa Lwakwe kuli Abrahamu kubusena kuya; Elohimu, Leza, wakaba mu mubili wabantu aakati ka bantu, alimwi wakakkala kuya a Abrahamu alimwi kamutondezya, kamwaambila eco Sarah ncakali kuyeeya (kakkede kunze Lyakwe) mu tente, oyo Ngwa katalina bwene pe. Ka mwaambila eco nca kali... Alimwi kaita zina lwakwe, "Sarah." "Abrahamu," kutali lyakwe—kutali lyakwe zina Abram, wa katalika a, cita Abrahamu. Kutali Sarai, S-a-r-a-i; pele S-a-r-a-h, "Uli kuli mukaintu wako, Sarah?"

Kaamba, "Uli mu tenet kunze Lyako."

<sup>93</sup> Kaamba, "Ndi yokuswaya kweendelana ku ciindi ca buumi." Elyo wa kaseka. Wa kaamba, "Nkaambozi nca seka?"

<sup>94</sup> Lino, Jesu wa kaamba, "Kakuta naba buyo kuti lukazyo lupati olu lubungikwe a kuumpwa, kuteeti Mwana wa muntu uyo liyubununa Lwakwe mu cianza nciconya mbuli Mbwa kacitide kaindi." Nkabela eeco...Ino ncinzi? Nku sumpulwa, cabupya, kumbele lyanu, kuteeti Jesu Kristo ngu mbobuca nguwenya, sunu, amuya myaaka. Sena mu la cisyoma? Atu kotamike mitwe yesu nkokuti ku mupailo.

<sup>95</sup> Oyandwa Leza, tu la Ku yanda. Ijwi Lyako ngu Cakulya-cikkutwa boobu—boobu kuli ndiswe, Mwami. Tu la Ci yanda buyo! Tu ponena kuli Ncico, Mwami. Ci boneka kuti zibikkilo zyesu tazili zipati kweelela. Tu la botelwa buyo kukkala ku tafule Lyako, ku Ijwi Lyako, a kubotelwa zileleleko, Mwami, cindi twa boola antomwe mbuli boobu, bakwesu a bacizi abo bakaulwa-a Bulowa bwa Mwana wa Leza, bali ngu kuulwa kwa Bulowa Bwako. Elyo twa boola kuno masiku ano, Mwami, twa tuula masiku manji aya ku kukombela baciswa. Elyo kweendelana ku Magwalo, Wa kaamba kuti "kwiinda ku mibunda twa kaponesegwa." Ta cili ceelede ku komba nkokuti (kulyambilila buyo zibi zyesu), nkambo kwiinda ku mibunda Yako twa ka (bbala lyaamba cakainda) ponese-gwa. Oh, eno mbuzuba bwa lufutuko! Eno i—eno i ncisyomezyo kwa Emmanuele! Kuti Ngu Bwini camasimpe.

<sup>96</sup> Wa kaamba, "I kaindi kaniini, elyo nyika taika Ndi boni limbi pe, nekubaboobo muyo Ndi bona, nkambo Ndi" (bbala lyaamba kwamuntu kumugama "Ndi") "Ndi yooba a nywebo, kwalo muli ndinywe, kusika ku mamanino aa nyika." Elyo ku mamanino aa ciindi, kumanizya oku kupati, Wa kaamba, kacitana citika buyo, ci yoba buyo mbuli kakuta naba mulilo wakawa mu Sodoma a kuumpa nyika ya Bamasi, kuti inga

ku yooba ciyubunuzyo alubo ca Mwana wa muntu mbuli buyo mbucaka bede ku Sodoma. Taata, akube kuti bantu batakacilwi kucimvwa.

<sup>97</sup> Elyo Nda komba, Leza, mbuli cintu ciniini cibambidwe buteteete, (ikuti na Nda amba bulubide, ndi jatile), kutalika kubeleka kabotu. Nda ba yanda, Mwami. Nda—Nda komba kuti tabaka kakilwi kucimvwa. Lekela obu kuba bumwi bwa masiku manji mabotu, Mwami. Akube kuti baciswa boonse, bapengede, boofu, kufumbwa mbwa bede muno, Mwami, ba ponesegwe masiku ano. Akube kuti basizibi boonse bafutulwe. Moonya mu myoyo yabo lino, ikuti na mbaabo batasyomi, elyo akube kuti batambule Kristo ku ciindi cisyonto eci. Ko cipa, Taata. Ngu koonse mu maanza Ako. Twa lipa kuli Nduwe, ku bona Nduwe ku boola aakati kesu.

<sup>98</sup> Elyo Wa kaamba, mu Musalali Johane 14:12, “Oyo uusyoma muli Ndime, milimo eyo Nje cita uyo icita ayalo.” Obo mbo tu ziba kuti Wa kali yubununa Lwako ku bantu, nkambo Wa kali oyo Musinsimi oyo Musa ngwa kaamba kuti inga uyoobuka. Tee baka jisi basinsimi kwa myaanda ya myaka, lukazyo lwa kali ku masena oonse, pele nekubaboobo Ijwi lya Leza lyaka leelede kuzulizigwa; aboobo Ijwi lyakaba mu mubili wabuntu, elyo alwalo lukazyo mbo lwakacita. Elyo, Taata, tula lu bona alubo sunu, lukazyo kaluba musunta omwe mupati ncobeni; alimwi tula bona Ijwi kali boola nzila njyonya. Tuleleke masiku ano, Taata. Twa lipa kuli Nduwe, a Ijwi Lyako. Kufumbwa eco Nco yanda ndiswe kucita, cita a ndiswe, Mwami. Mu Zina lya Jesu. Ameni.

<sup>99</sup> [I mucizi wakanana mu mwaambo umbi. Kabeela katakwe cintu aa teepu—Mul.] Ta tuzyi eco Nca amba. Ndiza uya nda ku twaambila cintu cimwi, aboobo amube buyo balemeka ncobeni kwa kaindi buyo kasyonto. [Kabeela katakwe cintu aa teepu. I mukwesu wapa bupanduluzi—Mul.]

<sup>100</sup> Ameni. Sena mwaka sola kubala [Kabeela katakwe cintu aa teepu—Mul.] Lugwalo awo sinkondo mpakali ku boola, elyo boonse bakali bungene antoomwe, elyo ba... sinkondo wakali inguzu ezyo zipati. Elyo Muuya wa Leza wakawida aa muntu, a ku mwaambila, nkabela wa kasinsima, nkabela ka mwaambila kubusena bwa kuyo yubilila, elyo bakanyonyoona sinkondo wabo. Nceeco ca boola alubo. Mboobo busena bwa kunyonyweeda sinkondo nyokwe, mwabona, mu bweze janza lya Leza. I janza lya Leza ngu Kristo, mu bwini, i Ijwi, aboobo bweza Elyo mu moyo wako masiku ano kumwi notwiita mundando wa mipailo.

<sup>101</sup> Nda syoma Billy wavozya makkadi aa mipailo alubo sunu. B, ma B, atubweze B, makuni aali lusele-aosanwe. Masiku aainda, twa kajisi aali kkumi aosanwe masiku aainda. Tu lasola kanjikanji kubweza aatandila ku kkumi aosanwe. Elyo

mpawo kamujatilide makkadi aanu, tu la bweza, lino. Atu sole aatandila ku kkumi aosanwe. Makumi aali lusele-aosanwe. B, mbuli Branham, mu lizyi. B, makumi aali lusele-aosanwe kusika ku mwaanda. Elyo tu. . .Atu bone, nguni ujisi B, makumi aali lusele-aosanwe, nyamuna mujulu janza lyako. Uli masimpe. . . Oh, i musule, ncibotu, makumi aali lusele-aosanwe ko boola.

<sup>102</sup> Lino, mwana wangu. . .Kutegwa ndiza kuli beenzu ano, banga taba koziba nzila eci mbo cacitwa. Mwana wangu ula boola kunselelo awa, nanka muntu umwi; ikuti na taakonzya ku boola, Mukwesu Borders, muntu umwi umbi. Muntu umwi ula boola kunselelo, a kubweza makkadi aya, mwaanda wa ngao, elyo kaimvwi kumbele lya bantu a kwaasanganya antoomwe. Aboobo ndilyonya ula kupa kkadi, takonzyi ku kwaambila kuti yebo uyooba kutala kuno aa cibumbili, ta zyi eco pe. Alimwi ambebo ta Ndi zyi. Nda boola masiku, kusomona buyo aatandila ku kkumi nanka kkumi aosanwe, kumwi kubusena antoomwe, mu makkadi. Eco taci jisi cintu comwe cacucita a kuponesegwa kwako. Inga wakkala mponya awo. Mulange, masiku ainda. Mbangaye bakaliko kuno masiku ainda, atu bone maanza aanu? Obo bantu mbo baka ponesegwa buyo boonse kwiinda mu muswaangano!

<sup>103</sup> Lino, eyo yali makumi aali lusele-aosanwe, makumi aali lusele-acisambomwe, makumi aali lusele-aciloba, makumi aali lusele-alusele, makumi aali lusele-afuka, makumi aali fuka. Atu balekele ba boole ndyoonya lino. B, makumi aali lusele-aosanwe, makumi aali lusele-acisambomwe, makumi aali lusele-aciloba, makumi aali lusele-alusele, makumi aali lusele-afuka, makumi aali fuka. Elyo inga lyaba limwi. . . Nincobeni, tu yandika. . .Elyo ikuti na muntu umwi uu. . . Ndeeli limwi limbi, iyyi, eco inga caci lulamika. Makumi aali fuka, makumi aali fuka kusika ku mwaanda lino. Makumi aali fuka, makumi aali fuka-alyomwe, makumi aali fuka-aobilo, makumi aali fuka-aotatwe, makumi aali fuka-aone, makumi aali fuka-aosanwe, makumi aali fuka-acisambomwe, makumi aali fuka-aciloba, makumi aali fuka-alusele,-fuka.

<sup>104</sup> Ikuti na tokonzyi kweenda, ikuti na uli. . .Nda bona tu jisi bobilo, ma wilucheya otatwe awa lino, one awo, Nda syoma, Nda konzya kubona. Ikuti na ujisi kkadi lya mipailo, oyo ngo—ngo mweelwe wako waitwa, elyo konzyi kweenda, nyamuna buyo janza lyako, tu yooku kkubila atala awa.

<sup>105</sup> Elyo ikuti na to jisi kkadi lya mipailo, kokkala buyo awo a kukomba, a kwaamba, “Mwami Jesu, acibe—acibe—acibe ndime masiku ano.” Mbangaye mukati muno bata jisi makkati aa mipailo, munyamune mujulu maanza enu. Oh, ma! Ncibotu, lino atwa ambe buyo eci, Nda syoma taciko mvwika kusanka cintu cisalala. Pele kuli mwanakazi muniini cindi cimwi oyo waka ta jisi kkadi lya mipailo, inga twaamba. Wa

kainka kaya bulisyanikizya mu nkamu ya bantu, wa kaamba (lino amusiilile kabotu), “Ikuti na Nda konzya ku kwaampa zikobela zya Muntu oyo, Ndi yo ponesegwa.” Mbangaye bakazyi kaano? Ncibotu. Elyo ncinzi ncaka cita? Wa ka Mwa ampa, akwiindilila a kuyo kkala aa cuuno. Elyo Jesu wakacebuka, Wa kalizi awo mpa kabede. Sa eco cililuleme? Wa kalizyi elyo lyakali penzi lyakwe. Sa eco cililuleme? Wa kalizyi elyo lyakali penzi lyakwe, aboobo Wa ka mwaambila elyo lyakali penzi lyakwe. Nkabela wa kamvwa mu mubili wakwe kuti kuzwa kwa bulowa kwakaleka. Sa eco cililuleme? Kuteedi nkaambonzi? Wa ka Mwa ampa.

<sup>106</sup> Lino, mbangaye Banakristo awa masiku ano abo bazyi, kweendelana ku Bahebrayo, Bbuku lya Bahebrayo, kuti Jesu ndyoonya lino ngu Mupaizi Mupati, Mupaizi Mupati uukonzya kwaampwa aa kulengauka kwa nkompami zyesu? Sa Mbwabede? Ncibotu, ikuti na Ngu Mupaizi Mupati nguonya, mulimo nguonya, Mupaizi Mupati, mbobuti Mbwa nga wabeleka mpawo? Inga uyo beleka mbubonya buyo mbuli Mbwa kacita kaindi. Sena mula syoma eco? Inga uyo beleka mbuboya buyo Mbwa kacita kaindi, ikuti na mwa konzya kuci syoma eco. Ncibotu. Mbangaye basyoma eco, munyamuna mujulu maanza enu, kwaamba, “Nda cisyoma ncobeni”?

<sup>107</sup> Ncibotu, kaba tana kupanga mundando wa mipailo, atu pange mundando wa mipailo kubusena awo. Ndi lizyi Uli ano. Ndi—Ndi—Ndi lamvwa Busyu Bwakwe, alimwi Ndi—Ndi lizyi kuti Uli ano. Boola. Mundando wa mipailo wabambwa na? Ni ndaita muntu ku boola awo. Amu kombe buyo—buyo, mulange buyo mu nzila eyi a kukomba, musyome buyo.

<sup>108</sup> I mulindu muniini uukkede awa kalangide nkonya kuli ndime, uukede kucilila mulindu oyu uusamide magilazi. Sa tamu konzyi kubona Eco cilengelela atala lya mwanakazi oyo? Langa kuno. Mwabona? Uu ciswa penzi lya moyo. Ula syoma kuti Leza ula kuponya? Ikuti na ula cita, nyamuna mujulu janza lyako. Elyo nde lyali penzi lyako. Eco cililuleme. Lino ikuti elyo lyali penzi lyako, nyamuna mujulu janza lyako kutegwa bantu babone, nyamuna mujulu janza lyako mbuli obo. Lino, tocili jisi limbi lino pe. Lusyomo lwako lwa kuponya.

<sup>109</sup> Ngu mbobuca nguwenya, sunu, amuya myaaka. Oh, ndoolo i lukazyo; pele Jesu Kristo ngu mbobuca nguwenya, sunu, amuya myaaka. Sa eci. . . Lino amu zumanane kukomba, mwabona, ta mweelede kuba atala ano, kuteeti mukonzye kuzyiba.

<sup>110</sup> Lino, oyu ngu mulindu. Mbuli ku ciimo Mbwe zyi, Ta ndina kumubona mu buumi bwangu, ngu mwanakazi buyo wiimvwi ano, elyo ujisi kkadi lya mipailo, elyo tee wazyi naa noitwa nanka pe. Muntu umwi wa kupa buyo kkadi lya mipailo, alimwi mweelwe wako—wako waitwa, aboobo wa bola buyo atala ano. Sa eco cililuleme? Elyo ta Ndi kwe nzila yakuzyiba mbo



bede, kuti uli ni, ku busena nkozwa, eco nco yanda, taakwe cintu neciba comwe cijatikizya ncico. Ndi muntu buyo, uuli mwanakazi. Eco cililuleme. Eci ciimo nciconya caka boola cimwi ciindi mu Bbaibbele, Musalali Johane, capita 4.

<sup>111</sup> Lino uula mba, “Ino wa citanzi, Mukwesu Branham, mpawo buyo, kaindi kainda?” Nda njila buyo muku talika kubeleka kabotu oko kusyoonto, mwabona. Ta ndiziyi pe, mwabona. Uu leelede ku cicitu. Ta ndiziyi pe. Mbobuti mbwaa cicitu mwanakazi oyo kubusena kuya? Ta ndina bona mwanakazi oyo mu buumi bwangu. Ngo mweenzu ncobeni kuli ndime. Nda syoma wali mwanakazi. Nguni muntu oyo wa ponesegwa ndyoonya lino kubusena kuya mu nkamu ya bantu? Sena yebo. . . Inzya. Tuli beenzu kuli umwi aumwi. Ikuti na eco cili luleme, tambika janza lyako mbuli *obu*. Mwabona? Ta ndina mubwene mwanakazi. Pele wali kkedede awo, kasyoma. Lino, waampa Cintu cimwi, embo na? Inga tee ca gwasya ku kwaampa ndime.

<sup>112</sup> Pele lino tamu konzyi kubona eco na kuti Bbaibbele ngu Ijwi lya Leza cancobeni? Ngu mbobuca nguwenya, sunu, amuya myaaka. Twa ba zilawo zya oyo Muuya Uusalala uuli ngu Kristo. Mwabona? Eyo nje Mbuto ya ncobeni. Ikuti na oyo Muuya Uusalala wa ncobeni wanjila mu Mbuto ya ncobeni ya Ijwi, kutali. . . Ta ukotola buyo cibeela ca Njiyo (nkaambo, dyabolosi ulabelesya Eco), uleelede ku Li bweza lyoonse, mwabona, Ijwi lyoonse lya Ncico; nkaambo, Ta li Leza utazulilide, Ngu Leza umaninide. Mwabona? Alimwi eco nce citole busena.

<sup>113</sup> Lino, ngooyu mwanakazi, Ta ndina mu bwene. Jesu wa ka jana mwanakazi mbuli oyo cimwi ciindi, ndiza kutali ciimo nciconya, Ta ndi zyi. Elyo Wa kali kkedede ku mukalo. Wa—Wa ka leelede kwiinka kuselemukila ku Samaria. Elyo tu jana kuti, Samaria wa kali kubusena bwa cilundu. Elyo—elyo Wa kali kuya ku Jeriko, mubwini, elyo Wa keenda koonse mu Samaria, elyo waka boola ku muunzi wa Sukari. Elyo Wa kakkala aa mukalo, nkabela wakatuma basikwiiya Bakwe kuyo ula zyakulya.

<sup>114</sup> Kuli mikowa yongaye ya bantu baliko mu nyika? Yotatwe. Hamu, Shemu, a bantu ba Jafeti. Toonse tuzwa kuli Nowa. Elyo yoonse nyika yaka nyonyoonwa ku ciindi eco. Mikowa yotatwe buyo ya bantu, oyo mu Juda, Munamasi, a mu Samaria (oyo wakali aakati kati ka mu Juda a Munamasi). Alimwi eyo nje mikowa yoonse eyo iili mu nyika, mwabona, yotatwe buyo.

<sup>115</sup> Zintu zyoonse muli Leza zili londokede mu butatu. Mbuli buyo yotatwe eyi nje Nda li kwaambaula masiku ano: zibeela zyoatatwe zya lukazyo, zibeela zyoatatwe zya Ijwi kaliba mu mubili wabantu, a zimwi. Mwabona?

<sup>116</sup> Lino, alimwi Oyo—Oyo wa kaambaula kuli bama Juda, kambila Filipo, cindi nakaleta Natanayeli kutala, kwalo oko nkwakabede, elyo kaamba, “Nda mubona cindi naali kungsi aa

musamu.” Wa kaambila. . . Andreyu wakaleta Petro kutala, Wa kaamba, “Yebo zina lyako ngu Simoni, elyo uyo itwa kuti ‘Petro’ kuzwida sunu ndyoonya.” Kaamba, “Uli mwana wa Jonasi.” Mwabona? Lino, balo boonse bakali ba Juda.

117 Pele mpaawa Wa inka ku Munamasi. . . kutali Munamasi, pele muna Samaria.

118 Lino nciindi ca Bamasi. Taakwe naka cita eco cimwi ciindi kuli Bamasi. Mulingule i Magwalo. Pee. Pele Wa kasyomezya, muli Luka 22, kuti inga Uyo cicita kakuta naba buyo ku Boola.

119 Pele Wa kakkala awo, elyo mpaawo kwaka boola aabusena bwa katikati ka mu Juda a Munamasi, i mwanakazi. Elyo Wa kaamba kuli nguwe, “Mwanakazi, Ndi letele cakunywa.”

120 Waa kaamba, “Baa, to weelede kulomba eco, kuli boobo. Tu li. . . Kuli lusalululo lwa ziimo kuno. Yebo uli mu Juda, alimwi—alimwi Ndi mu Samaria.”

121 Wa kaamba, “Pele ikuti niwali kuzyi Oyo ngooli mu kwambaula awe, inga no Ndi lombamba cakunywa.” Ino Wa kali kucita nzi? Kukwaba muuya wakwe. Elyo Mbwa kali ziba buyo penzi lyakwe mbo lyakabede, ee, Wa ka mwaambila kwiinka kuyo leta mulumi wakwe. Waa kaamba kuti taaka jisi naba omwe. Wa kaamba, “Eco cililuleme, wali ku jisi bosanwe.”

122 Lino, mulange, cindi ba Farisi nibaka Mu bona kacita eco. Ncobeni, olo lukazyo mponya aakati ka Ijwi, ino ba kaamba kuti nzi? Ba kaamba, “Oyu Muntu ngu Beezebule, i musondi.” Mwabona?

123 Elyo Jesu wa kaamba, “Kufumbwa muntu uyo kanana eco ku Muuya Uusalala ciindi ni Wa ku boola kucita cintu nciconya, inga taka jatilwi pe.” Ndoolo lukazyo lwanu. Mwabona? Pele Wa kaamba kuti inga Wa ba jatila eelyo, nkaambo Muuya Uusalala tee wakalina sika; i Cituuzyo, Kabelele tee kakalina fwa.

124 Pele mpawo mwanakazi taa ka yeeya eco. I mwanakazi wa kaamba, “Munene, Nda zyiba kuti Uli musinsimi.” Tee baka jisi musinsimi kwa myaanda ya myaka. Kaamba, “Nda zyiba Uli musinsimi. Lino, tu lizyi kuti Mesiya oyo, ooyo utegwa Kristo, cindi Na boola, eco ncecico Nca yoocita.”

125 Ee, ikuti na eco Nca kacita, nkokuti Ngu mbobuca nguwenya, sunu. Eyo nje nzila Mbwa kaliyubununa Lwakwe kaindi, sa tacili cintu nciconya sunu? Cileelede kuba! Lino, ngooyu mwanakazi a mwaalumi baswaangana alubo. Ta li mwanakazi oyo, ta Ndili Mwaalumi oyo. Pele nekubaboobo Muuya Uusalala nguonya mpali ano, alimwi wa kapanga cisyomezyo cakuti milimo eyo Nja kacita, inga tuyo cita cintu nciconya mu mazuba ayo Mwana wa muntu nayo yubununwa.

126 Lino, mukuta kuzyiba (nkabela uulizyi kuti eco nca bwini), tuli beenzu ncobeni, elyo ulii mvwi ano. Kuli zimwi. . . Ndiza

cintu cimwi cilubide a nduwe, ndiza takukwe pe, Ta ndi zyi. Pele ikuti na Mwami Jesu uyo yubununa kuli ndime, kwiinda ku Muuya Uusalala Wakwe, kuteeti penzi lyako lili boobo, ena ula syoma mpawo kuti Ngu Mwana wa Leza, a kutali muntunsi? Eci ngu cilongo buyo, cilawo *eci* calo—calo Leza nca belesya, kufumbwa oyo Ngwa kasala. Ula—Ula cita eco ku luzyalo a kusala kwabupati. Aboobo, pele ko syoma. Ulasyoma na? [I mwanakazi waamba, “Ameni.”—Mul.]

<sup>127</sup> Mbangaye mu nkamu ya bantu bayo cisyoma? Mpaawa toonse tu liimvwi mponya ano kumbele lya Mumuni, kuti ta tuna swaangana mu buumi obu, ta ndi cikwe muzeezo wakuti nguni mwanakazi oyo, obo mbwa bede, oko nkwarzwa, eco nca yanda. Ta ndina mubona mu buumi bwangu, ta Ndi na sola kubona mwanakazi oyo mu ciindi *kuya* mu buumi bwangu. Pele, mwabona, nceeci eco Nce ndili mukumubamba kuti mu cite: amugwisye lukazyo olo kuzwa kuli ndinywe lino, a kusyoma Ijwi cindi Ijwi lyaba mu mubili wabuntu mponya ano aakati kesu. I Ijwi lyaba lyuumi mu mibili yesu iini, eco citondezya Busyu bwa Leza.

<sup>128</sup> Lino akube kuti Acipe kuli nguwe. Ula ciyanda ku kaambo keelela. Takwe bana, uu yanda muvwanda. Ula myaka iitandila ku makumi one ya kukomena. Eco tacili citakonzeki masimpe.

<sup>129</sup> Bali kkede mponya aabusena awo lino, banakazi abo bakali basundi buumi bwabo boonse, elyo baka boola ku cibumbili mbuli eci, elyo Mwami wa kabapa bana. Bamwi banu amu nyamuna maanza aanu aabusena awo abo bazyi. Mwabona? Mwabona? Nda kanyampula musimbi uyandwa muniini buzuba bumwi, mu Nsondo, ni Nda ka mana kuzwa ano, isikati mu Nsondo; kuti banyina bakwe bakali basundi, Mwami wa kaamba. Elyo musimbi muniini, muntu muniini mubotu maningi, sa mpali? Uli aa busena buli? Inzya. Ngooyu mpa bede, mponya awa, ulikkede mponya awa aa cuuno. Banyina bakkede awo. Ngooyu musimbi muniini, lwakwe. Mwa mubona? Waa kali Ijwi lyakaambwa kuzwa kuli Leza.

<sup>130</sup> Lino, sena uyo Mu syoma a moyo wako oonse? Sena ula syoma kuti cileleko eco nco jisi, eco nco mvwa lino muli nduwe, wali Leza kaingula? Ikuti na Leza inga wa ndaambila zina lyako kuti nguni, kutegwa inga waulika muvwanda, ena inga wa syoma? Mpawo, Muka. Thompson, yebo inga wainka ku muunzi a kutambula muvwanda wako, ikuti na ula cisyoma a moyo wako oonse.

<sup>131</sup> Sena ula syoma a moyo wako oonse? Koba buyo a lusyomo, ta zumbauzyi, kosyoma buyo Leza. Leza ngu Leza.

<sup>132</sup> Mwapona buti, munene? Ndi yeeyela kuti tuli beenzu, aswebo. I ciindi buyo nce Nda sola kukubona mu buumi bwangu, mbuli mbo Ndi zyi, ngu cindi nowali ku boola kuya. Eyo Nda ku yeeya kuti uli simizyaa Mukwesu Shakarian,

nanka oyo uu. . . Mashagian, Mukwesu Mashagian, i mwiimbi, cindi nowa boola kwiinda. Elyo mpawo Nda kubona wali kwiinka ku mundando wa mipailo. Lino, mukuba mweenzu kuli nduwe, alimwi, nanka kuli nduwe, alimwi Mebo i mweenzu, nzila zyoonse. Lino, ikuti na Mwami Jesu ula ndaambila cintu cimwi eco yebo—mbo bedede, ndiza eco nco yanda, atwaambe buyo eco; ku kwaambila eco, ku ndaambila nco yanda. Lino, Wa cipa kale kuli nduwe. Cintu cilikke ngu lusyomo buyo lweelede ku cisyoma.

<sup>133</sup> Lino, mbangaye bamvwisya eco? Lusyomo buyo lweelede ku syoma kuti ula tambula eco nco lomba! Mwabona?

<sup>134</sup> Lino, lino, ikuti na uli atala ano kuyanda cintu cimwi, nkabela Ula konzya ku ndaambila kuyandisisya kwako mbo kubede, nkokuti ulizyi kuti ta Ndi zyi kuyandisisya kwako, nkokuti ceelede kuba Cintu cimwi ano cili muku cicita. Lino, kweendelana ku Ijwi, Wa kasyomezya kucita eco. Wa kazyiba miyeyo mukati ka myoyo yabo. Sa eco cililuleme? Ncibotu.

<sup>135</sup> Uu jisi kuyandisisya kupati kwa ponesegwa. Cintu comwe, ulaa bulwazi bwa kulibilika, kulibilika ncobeni. Eco cililuleme. Cintu cimbi, ujisi penzi lya musana, alimwi musana oyo wakali nyongene maningi kwa ciindi cikubwene, waka jisi kwaandulwa akwalo aali nguwo. Obo MBUBOBO MBWAAMBWA I MWAMI. Eco cili bwini. Mwabona. Cili luleme. Alimwi nceeci cintu cimbi, kuyandisisya kwako kusakene, ngu, uyanda kutambula lubapatizyo lwa Muuya. Eco cililuleme ncobeni. Ko boola awa.

<sup>136</sup> Oyandwa Leza, mu Zina lya Jesu Kristo, akube kuti muntu oyo azuzigwe a Muuya Uusalala, katana kuzwa aa mabbuwa aya, mu Zina lya Jesu. Ameni.

Lino Ci tambule, mukwesu wangu. Ko ba buyo a lusyomo, ta zumbauzyi.

<sup>137</sup> Mwapona buti? Ndi yeeyela kuti, mbuli ciimo mbo Ndi zyi, tuli beenzu kuli umwi aumwi. Ikuti na eco cililuleme, baa, kutegwa bantu bazibe, ku nyamuna buyo mujulu janza lyako kutegwa ba bone kuti tuli beenzu. Ta ndina ku mubona mu buumi bwangu, acaali. Alimwi Nda yeeyela kuti tana ndibwene, citakuti kwali mu busena ku nkamu ya bantu. Nkaambo Taata Wakujulu ulizyi, elyo ndeeli Ijwi Lyakwe lili lede awa, kuteeti Nse na mubona mwanakazi, acaali, mu buumi wangu. Aboobo, inga tee Nda zyiba kaambo ncoli waano, ta ndikwe muzeezo wa kuti nduweni, inzi, nanka cili coonse cijatikizya nduwe. Ta ndi konzyi ku kwaambila cintu comwe.

<sup>138</sup> Cintu cilikke, ngu cipego buyo. Ikuti na Nda konzya. . . Mbuli mbo wandimvwa kupandulula eco kaindi kasyoonto kainda. Ko swena buyo, swiilila eco Nca amba; eco nce Nda bona, inga Nda caamba. Eco Nca taamba, ta Ndi konzyi

kwaamba. Inga nda amba eco mukati kangu, elyo inga caba ci lubide. Mwabona? Inga caba ci lubide. Pele ikuti na Wa caamba, cili luleme ncobeni. Ta ci konzyi, ta cikonzyi ku lubila. Ta ci konzyi ku lubila kufumbwa kuti kacicili Leza. Mwabona? Mwabona, nkaambo Leza takonzyi kulubila pe.

<sup>139</sup> Pele ikuti na Leza wakonzya ku ndaambila eco nco yanda, oko kuyandisisya kwako, nanka—naka kaambo ncoli ano, cintu cimwi nco wakacita, nanka cintu cimwi, cintu cimwi mbuli eco, nanka kuti na nduweni, oko nkozwa, nanka kufumbwa cintu Nca yanda kundaambila, sena inga wasyoma? Nda lumba.

<sup>140</sup> Cintu cimwi, ujisi penzi ku matende aako. Matende aako ala kupenzya. [I mwanakazi waamba, “Iiyi”—Mul.] Eco cililuleme. Nyamuna lyako...Ujisi penzi lyaku bulindu, bulwazi bwaku bukaintu. [“Iiyi.”] Alimwi ujisi kuyandisisya kupati mu moyo wako, nkaambo wazwaa kusweekelwa muntu umwi na cintu cimwi. Ngu mulombe, nkabela mwana wako mulombe waloboka kuzwa ku ng’anda, wa cija, nkabela uyanda ndime kuti ndikombe kutegwa a bweede. [“Iiyi.”]

<sup>141</sup> Leza ku Julu, tuma mwana wakwe kuli nguwe, a kuponya. Lekela Muuya Uusalala kuti wiimike muntu oyo mukubusyi mu mugwagwa masiku ano, mu josye kuli banyina bakwe. Mu Zina Iya Jesu. Ameni.

<sup>142</sup> Oyo Walo uumuzyi ula mu josya kuli nduwe. Uta libiliki. Syoma lino, ta zumbauzyi. Koba buyo a lusyomo, moyo wako oonse. Ko syoma, elyo Leza uyoopa azimwi zyaco.

<sup>143</sup> Lino, ooko buyo kutwelukwa kotatwe na kone, kufumbwa mbo kubede, mwabona, Nde—Nde enda buyo kusikila taci cizibikani kuli ndime. Ta ndi konzyi kupandulula eco, taakwe nzila yaku cipandulula. Yebo waamba, “Yebo upandulula kuti, eco buyo kutaba kabotu kwiinda mbo kambauka kuya kwa maminiti aali makumi aone-aosanwe nanka aainda, mbo yeeya na?” Iiyi, munene. Ikuti na naali maora aali otatwe, inga tee caba kunji boobo.

<sup>144</sup> I mwanakazi wakaampa cikobela ca Mwami Jesu wesu. Elyo balo bantu tabali muku ndaampa. Baa, mwanakazi oyu awa, amulange buyo awa, ula konzya...[Mukwesu Branham waambila mwanakazi, “Bikka maanza aako aali ndime, mwabona.”—Mul.] Waa ndaampa buyo koonse, nga tee cacita cintu, Ndili muntu buyo. Pele weedelede kuti Mwa ampa. Elyo Mebo, kwiinda ku cipego, buyo—buyo...cuunka buyo, koonse kwangu kulazwa, elyo Nda amba buyo eco nce Nda bona. Mwabona? Elyo ngu koonse. Mwabona, kwaampa ndime ta caambi cintu, pele waampa Jesu kwiinda muli ndime. Eyo nje nzila mwanakazi oyo mbwa kaampa Leza kwiinda muli Jesu, cindi Na takazyi eelyo lyakali penzi a nguwe. Waa kaampa buyo cikobela Cakwe, kainka a kuyo kkala. Elyo Wa kaamba—elyo Wa kaamba, “Nguni wa Nda ampa?”

145 Elyo baapostolo ba kaamba, “Baa, bantu boonse bali mu Ku kwaampa. Nkaambonzi Yebo waamba eco?”

Wa kaamba, “Pele Nda mvwa kuti nguzu zyazwa kuli Ndime.”

146 Lino, ena mulizyi kuti nguzu ninzi? Kukonzya. Wa kakompama aa mwanakazi omwe kaampa Nguwe, kakuli Wa kali Mwana wa Leza. Ino kujatikizya ndime, sizibi waka futulwa ku luzyalo Lwakwe. Sena mulizyi na nce ciindila? Nkaambo Wa kaamba, “Ezi zintu nze Ndi cita, muyo zicita azyalo. Zinji kwiinda ezi muyo zicita, nkambo Nda yinka kuli Taata Wangu.” “Zipatimaningi,” Lya kaamba awo, pele bupanduluzi bwaci Griki bululeme ngu, “Zinji kwiinda ezi muyo zicita.”

147 Lino, mulindu ta Ndi muzyi pe. Taakwe cintu neciba comwe nce ndizyi kujatikizya nguwe. Uli buyo mbuli mweenzu ncobeni kuli ndime mbuli bantu bamwi mbo babede. Tuli beenzu kuli umwi aumwi. Kutegwa buyo bantu baci zyibe, inga wa nyamuna janza lwako, koamba, “tuli beenzu.” Lino, Mwana wa Leza, ikuti na Walo cimwi ciindi wa ka swaana mwanakazi mu kuboneka kuniini mbuli oku, kumbali aa mukalo, elyo Wa kaambaula kuli nguwe kaindi buyo kasyoonto, elyo Wa kalizyi aa kali penzi lyakwe, elyo Wa ka mwaambila eelyo lyakali penzi lyakwe. Elyo mbubonya waa kazyiba kwiinda kuli eco, kuti oyo wakali Mesiya. Lino mukuti—mukuti Nda. . .Yebo wa ndaampa, Nda kwaampa, nkabela taakwe cintu neciba comwe cacitika. Pele ikuti na lusyomo lwangu (kwiinda ku cipego) a lusyomo lwako (kwiinda muku syoma muli ncico) konzya kwaampa Nguwe, nkabela inga Wa kanana kwiinda muli ndiswe ku. . .kwiinda muli kuti ndaambile nduwe, nkokuti ulizyi kuti Uli ano mbuli Mbwa kabede ku mukalo oyo—oyo ku Sukari. Mwabona? Ngu mbobuca nguwenya, sunu, amuya myaaka. Ula syoma eco na?

148 Yebo ujisi mapenzi manji maningi, mafwabi manji maningi, buyumuyumu bwakusilikwa! Cimwi ca zintu zipati eco nco yanda kuti ukumbelwe ngu coondamazwi. Eco cililuleme. Ena cililuleme na? Uya buyuminan nkambo ka coondamazwi. Cindi wabona wa nyamuna kuboko kwako. . .

149 Elyo weenda anze kubanga nku teedesya, mbuli ciimo ca kwiibaluka kwangu. Ndiza ko lindila buyo kwa kaindi buyo kasyoonto, ndiza cintu cimwi cimbi inga caambwa eco ciyo bweza i. . .Nanka, uli zyi, ula mvwa zintu; bantu, uli zyi, mbuli kuyoya ku boola ku Ci lwana. Ba laamba, “Baa, wa ciyeeyela eco,” nanka, uli zyi, mbuli obo.

150 Pele, uboneka kuba muntu mubotu, ambaula buyo kuli ndime kwa kaindi buyo kasyoonto. A twiime awa asyoonto buyo, nkambo Nda yeeya kuti kuli cintu cimwi cimbi eco cili mu moyo wako eco nco yanda kuzwa kwa Leza. Lino, inga tee Nda konzya kwiingula mupailo wako, pele inga Wa

wi-... Nkaambo, ikuti na wa cisyoma, ca ingulwa kale. Pele ikuti na uyanda buyo ku syoma; ku bubamba kusyoma. Lino, Nda kwaambila, ci jatikizya umwi uyandwa oyo uutako ano, nkabela oyo ngu munyoko, nkabela munyoko oyo tali akwalo mu cisi. Uli mu baanga mu cisi camvula, maziba manji. Inga nda amba mbuli cintu cimwi mbuli mu Michigan na bumwi... Inzya, Michigan nko ku busena nkwabede. Elyo uciswa cijaya maningi, elyo ndi penzi lyansa litasilikiki pe eelyo ndya penzegwa alyo. Eco cililuleme, embo na? Obo MBUBOOBO MBWAAMBA I MWAMI. Lino, katambala nko jisi mu janza lyako, elyo ndo nyamuna kuli Leza, tuma ako ku munyoko wako a ku mwaambila kuti ataka zumbauzyi, pele kusyoma, nkabela eco ciyo, uyo ponese gwa lino ikuti na ula cisyoma.

<sup>151</sup> Ula syoma amoyo wako oonse na? Mwabona, mpawo, ikuti na wa syoma, kuli cintu comwe buyo caku cita, eeco, ci tambule cancobeni. Sa eco cilikabotu?

<sup>152</sup> Lino yebo waamba, “Ula ngide aali eco, balo bantu. Eco nca li muku cita, kulanga aali mbabo.” Ula bona eco kunji maningi!

<sup>153</sup> Pele kuti ndiza ta muzyi eci... Mulindu oyu ano, wa boola atala nzila-eyi, mulindu, ano, i mulwazi, kufumbwa kuti na nduweni. Ta ndi langide aali nguwe. Sena ula syoma kuti Leza inga wayubununa kuli ndime elyo penzi lyako mboli bedede? Nyamuna maanza ako, ikuti na ula syoma, mulindu oyu ano, mulindu oyu ano, i mulwazi. Inzya. Inzya. Ncibotu, nkokuti na ula syoma eco a moyo wako oonse, kuti penzi lya kufundilila mucamba tali cika kusyupi limbi pe. Ncibotu, koya ku ng’anda a ku cisyoma!...?...

<sup>154</sup> Taa langa aali nguwe, Wa cicita na? Mwabona, Wa... Yebo walanga nzila *eyi*, cilengaano nko cili nokuba kuti kuli cacitika. Ameni! Ta mu konzyi kucibona na? Cakulondoka buyo mbuli Leza mbwa konzya kulondoka!

<sup>155</sup> Ula syoma, ayebo na? Kufundilila mucamba inga kwakuleka, ayebo, taku konzyi na? Ula syoma inga kwakuleka na? Ncibotu, koya uka mwaambile Mwami Jesu kuti ula—ula Mu syoma.

<sup>156</sup> Buzuba bumwi uyo elela kubweza i—i kakoli kaniini ikuti na coondamazwi eco cakulemanya, pele ta cika ciciti pe. Yebo toli, to syomi kuti nkocili, ena ulasyoma? Ula syoma kuti uyooba kabotu na? Koya mu lweendo lwako, nkabela Jesu Kristo wa kuponya.

<sup>157</sup> Penzi lya moyo lila jaya bantu, pele ta lyelede ku kujaya. Ula syoma kuti Leza uyo liponya nkambo ka nduwe, alimwi aku kubamba kuba kabotu na? Koya ko cisyoma a moyo wako oonse, aamba, “Nda syoma ca kasimpe nkambo ka ncico.”

<sup>158</sup> Ula kanana Cikuwa na? Ula mwawa Cikuwa na? [Mukwesu Branham walomba i sikupandulula—Mul.] (Muntu umwi

aboole.) Inzya, ncibotu. Ena nga wakanana kuli nguwe eco nce Ndi mwaambila? Mwaambile ikuti na uyo syoma, penzi lya mwida liyo muleka. Uyo—uyo cisyoma na? Penzi lya kuciwsa musana wako liyo kuleka, ayebo, aboobo lino inga wainka mu lweendo lwako a kuponesegwa.

Mwapona buti? Ula syoma na? [Waa mba, “Iyi, munene.”—Mul.]


<sup>159</sup> Oyo mwaalumi uukkede awo a penzi lya kuciswa musana, ulangide aali ndime cindi ne Nda amba obo. Ula konzya kuponesegwa, awalo, ikuti na ula cisyoma, munene. Ncibotu, munene.

<sup>160</sup> I mulindu uukkede nkonya kucilila nduwe awo, ujisi penzi lya singo, to jisi na, mulindu? Ula syoma kuti Leza ula kuponya na? Yebo uyanda kubikka maanza aa mulombe muniini nkambo ka mazwi aakwe, elyo ulaba kabotu, awalo. Sena ula cisyoma? Yebo wa jisi penzi lyaku bukaintu, penzi lyaku bulindu, to cili jisi lino. Lusyomo lwako lwa kuponya a ku kubamba kuba kabotu.

<sup>161</sup> Sena mula syoma Jesu Kristo, mbobuca nguwenya, sunu, amuya myaaka? Nkokuti atu bikke maanza esu aali umwi aumwi a kukomba mupailo oyu wa lusyomo, umwi aumwi wesu, komba i mupailo wa lusyomo.

<sup>162</sup> Oyandwa Leza, kumwi no tuvumbidwe mu Busyu Bwako bwa Buleza, ku kubona Yebo kozwa kwiinda mu nkamu ya bantu, koponya bacisidwe ku masena oonse. Yebo nduwe Leza. Nda komba kuti Uyo ponya nkamu ya bantu eyi mboizulwa. Lekela Mooya wa Leza uwe bupya ku myoyo yabo, alimwi ba lekele bazyibe kuti ciindi ciya bumana. Tuli buyo kwa kaindi kasyoonto kuciba kuno, nkabela tu yooba a Nguwe Oyo ngo tu yanda. Alimwi akube kuti Busyu Bwakwe lino bulete kuponesegwa ku bantu boonse.

<sup>163</sup> Twa tapatila Saatani, twa tapatila koonse kwa micito yakwe. Mu Zina lya Jesu Kristo, Saatani, kozwa mu bantu.

<sup>164</sup> Boonse abo bayo Mu syoma lino, a mutambula kuponesegwa kwanu, amwiime kumbele aa matende anu, akwaamba, “Lino ndaima kumbele kuti nditambule kuponesegwa kwangu. Nda ci syoma.” Taakwe makani akuciswa kwako, ikuti na wa cisyoma ncobeni, koima kumbele ku matende aako. Lino amunyamune mujulu maanza aanu, a kwaamba, “Nda lumba, Mwami Jesu, nkambo ka kundiponya.” Leza abe ndinywe. 



*I MBUTO YA LUKAZYO* TNG65-0118  
(The Seed Of Discrepancy)

Oyu Mulumbe aa Mukwesu William Marrion Branham, wakakambaukwa ku mangolezya mu Muvulo, Mukazimaziba 18, 1965, kwa Full Gospel Business Men's Fellowship International ku Westward Ho Hotel mu Phoenix, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2015 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)